

182 Qc. 917 50 = 50

182. Qc. 917.50

8th year, ~~1950-51~~, —

অসমপ্রশাসন, ১০২০

4-01 •

১০ ৩.১.১৭
২৭-Parfumes No 742-56-16
১৯২০ ০৩/১৭
সর্বস্ব নং
অনুসন্ধান, ১৩২০
স্বীয় সংখ্যা

মলেক



৪৭২
সংখ্যা ৪৭২
বাহ্যিক মূল্য ১১০ টাকা
প্রতি সংখ্যা ৬০ কানা

The Sandesh is Printed and
Illustrated by

U. RAY & SONS.

Process Engravers, Illustrators, Art Printers
and Publishers.

100, GURPAR ROAD, CALCUTTA.

ছেলেমেয়েদের সুন্দর উপহারের বই

ছেলেদের ভ্রাম্যঙ্গণ

(স্বর্গীয় উপেন্দ্রকিশোর রায়চৌধুরী প্রণীত)

(সপ্তম সংস্করণ)

৬ বৎসরে এই পুস্তক ৩০০০০ বিক্রয় হইয়াছে ! ইহার নূতন পরিচয় অনাবশ্যক ।
ইহাতে ৮ খানি সুন্দর হাকটোন ছবি ও একখানি রঙ্গিন ছবি আছে । সপ্তম সংস্করণের
হাকটোন ছবিগুলি সমস্তই নূতন ।

মূল্য ৥০ আনা মাত্র ; জি-পিতে ৥০ আনা ।

কলিকাতার প্রধান প্রধান পুস্তকালয়ে ও "সন্দেশ" কার্যালয়ে পাওয়া যায় ।

RARE BOOKS

54 no 828



Handwritten text, possibly a library name or location, which is mostly illegible due to fading.





বাকুলে মাকড়সা ।

782. 40. 717. 50.



চতুর্থ বর্ষ

অগ্রহায়ণ, ১৩২৩

অষ্টম সংখ্যা



পড়ার হিসাব।

কিরল সবাই ইন্সুলেতে সাজ হ'ল ছুটি—
আবার চলে বই-বগলে সবাই গুটি গুটি।
পড়ার পরে কার কি রকম মনটি ছিল এবার
সময় এল এখন তারই হিসেব খানা দেবার।
কেউ পড়েছেন পড়ার পুঁথি কেউ পড়েছেন গল্প,
কেউ পড়েছেন হৃদয়তন কেউ পড়েছেন অল্প।
কেউ বা তেড়ে গড়গড়িয়ে মুখস্থ কয় কাড়া,
কেউ বা কেবল কাঁচুমাচু মোটে না দেয় সাড়া।
গুরুমশাই এসেই ক্লাশে বলেন, “ওরে গদাই
এবার কিছু পড়লি? নাকি খেলুতি কেবল সদাই?”
গদাই ভয়ে চোক পাকিয়ে ঝাবড়ে গিয়ে শেষে
বলে, “এবার পড়ার ঠেলা বেজায় সর্ব্বমেশে—
মান্নার ব্যক্তি বেশি যাওয়া অগ্নি গাছে চড়া
একেবারে অগ্নি খপাস পড়ার মত পড়া।”



শুক্লাচার্যের তপস্বা ।

দেবতাদিগের গুরু ছিলেন বৃহস্পতি । কথায় বলে—“বুদ্ধিতে বৃহস্পতি,” বৃহস্পতি বাস্তবিকই অসাধারণ বুদ্ধিমান ছিলেন । শুক্লাচার্য্য দৈত্যদিগের গুরু, তিনি নাকি ছিলেন বৃহস্পতির চেয়েও বেশী বুদ্ধিমান ।

সেকালে দেবতাদিগের সহিত যুদ্ধে ক্রমাগত হারিয়া অশ্বরদল যখন নিস্তেজ হইয়া পড়িল তখন তাহার শুক্লাচার্য্যের শরণাপন্ন হইয়া বলিল—“প্রভু ! দেবতাদের সঙ্গে আমরা আর কিছুতেই পারিয়া উঠিতেছি না । তাঁহার বড় বড় দৈত্য যোদ্ধাদের প্রায় সকলকেই মারিয়াছেন এখন আপনি আমাদের রক্ষা করুন, নতুবা আমরা পৃথিবী ছাড়িয়া পাতালে চলিয়া যাইব ।”

ভৃগুমুনির পুত্র পরম জ্ঞানী শুক্লাচার্য্য দৈত্যদিগকে সাহসনা দিয়া বলিলেন—“তোমাদের ভয় কি ? পৃথিবীতে যত ভাল ঔষধ এবং মন্ত্র আছে তার সবই আমি জানি । সে গুলি যদি তোমাদের শিখাইয়া দেই তবে দেবতারা তোমাদের কোনই অনিষ্ট করিতে পারিবেন না ।”

এ দিকে দেবতারাও ভাবিলেন যে শুক্লাচার্য্য যদি তাঁহার ঔষধ মন্ত্র সব অশ্বরদিগকে বলিয়া দেন তাহা হইলে তাঁ আর উপায় নাই ! অতএব তাহার পূর্বেই কেন আমরা অশ্বরকুল শেষ করিয়া ফেলি না ? দেবতারা তখন যুদ্ধের ঘটা করিয়া দৈত্যদিগকে আক্রমণ করিলেন । কিন্তু দুর্বল অশ্বরেরা শুক্লাচার্য্যকে সম্মুখে রাখিয়া নির্ভয়ে দাঁড়াইয়া রহিল দেবতাদিগকে প্রাহুণ্ড করিল না । স্বয়ং শুক্লাচার্য্য দৈত্যদিগকে রক্ষা করিতেছেন দেখিয়া দেবতারাও আর অগ্রসর হইতে সাহস পাইলেন না ।

উপস্থিত বিপদ কাটিয়া গেলে পর শুক্লাচার্য্য দৈত্যদিগকে বলিলেন, “একদিন স্বর্গ, মর্ত্য, পাতাল এই তিনটাই তোমাদের ছিল । বলিরাজ্য যজ্ঞে বিষ্ণু বামন অবতার সাক্ষিয়া তিন পা জমি দক্ষিণা চাহিয়া তিন পায়ে সমস্তই দখল করিয়া লইয়াছেন, আর বলিরাজ্যকে বাঁধিয়া রাখিয়াছেন । জম্বাস্তুর, বিরোচন প্রভৃতি বড় বড় দৈত্য যোদ্ধা বিষ্ণুর হাতেই মারা গিয়াছে, এখন তোমরা অতি অল্প লোকই বাঁচিয়া রহিয়াছ । আমার মনে হয় দেবতাদের সহিত এখন আর বিবাদ করিয়া কাজ নাই—কিছুকাল তোমরা চুপ করিয়া থাক । আমি মহাদেবের তপস্বা করিয়া তাঁহার নিকট হইতে সস্ত্রীবনী

বিদ্যালয় করিব। তারপর তোমরা পুনরায় দেবতাদের সহিত যুদ্ধ করিও—তখন তোমাদের জয় নিশ্চিত।”

এই উপদেশ মত দৈত্যগণিত প্রহ্লাদ দেবতাদিগের নিকটে গিয়া প্রস্তাব করিল—
“আমরা দানবদল সকলেই অস্ত্র ছাড়িয়াছি, আমরা আর যুদ্ধ করিবনা। এখন হইতে
জটা বাকল পরিয়া বনে গিয়া আমরা তপস্বী করিব।” দেবতারাও তাহাতে সন্মত
হইলেন। তখন উভয় পক্ষ অস্ত্র ছাড়িয়া যুদ্ধে আশ্রয় হইল।

ইহার পর শুক্লাচার্য মহাদেবের তপস্বায় বাহির হইলেন। যাইবার পূর্বে দৈত্য-
দিগকে বলিয়া গেলেন, “তোমরা এখন কিছুকাল আমার পিতার অশ্রমে গিয়া সাধু
সম্প্রদায়ের মত থাক। আমি মহাদেবের তপস্বী করিয়া ফিরিয়া আসি।”

শুক্লাচার্য মহাদেবের নিকটে উপস্থিত হইয়া বলিলেন, “প্রভু! দেবগুরু বৃহস্পতিরও
অধিকতর যে সঞ্জীবনী মন্ত্র আছে অস্তুর পক্ষের জয়ের জন্য আমি সেই মন্ত্র জানিতে
ইচ্ছা করি। আপনি অনুগ্রহ করিয়া তাহা আমাকে শিখাইয়া দিন।”

মহা মানুষ বাঁচিয়া উঠে, এমন মহামূল্য মন্ত্র শুক্লাচার্য চাহিবা মাত্রই মহাদেব
তাঁহাকে শিখাইয়া দিবেন—তাহাও কি হয়! তিনি বলিলেন—“একহাজার বৎসর
একটিও কথা না বলিয়া এবং কেবল মাত্র ধূম পান করিয়া যদি আমার তপস্বী করিতে
পার তাহা হইলে সঞ্জীবনী মন্ত্র তোমাকে শিখাইব।” মহাদেবের প্রস্তাবে সন্মত হইয়া
শুক্লাচার্য সেইদিন হইতে এই গুরুতর তপস্বী আরম্ভ করিয়া দিলেন।

ক্রমে এই তপস্বীর কথা দেবতা দিগের কাণে পৌঁছাইল—তাঁহারা বিসম ভাবনায়
পড়িয়া গেলেন। তাঁহারা স্থির করিলেন অস্তুরেরা এখন সন্ধি করিয়া অস্ত্র ছাড়িয়াছে;
এই সুযোগে শুক্লাচার্য কিরিবার পূর্বেই তাহাদিগকে বিনাশ করিতে হইবে। তখন
অস্ত্র শস্ত্র লইয়া দেবতারা আবার অস্তুরদিগের নিকটে গিয়া উপস্থিত হইলেন। অস্তুরেরা
যুদ্ধের জন্য একেবারেই প্রস্তুত ছিল না।

তাঁহারা নিরুপায় হইয়া গুরুমাতা ভৃগুপত্নীর শরণ লইল। ভৃগুপত্নী তাহাদিগকে
আশ্রয় দিয়া বলিলেন—“বাছারা! তোমাদের কোন ভয় নাই, আমি তোমাদিগকে রক্ষা
করিব।” দেবতারা কিন্তু তবুও অস্তুরদিগকে আক্রমণ করিতে ছাড়িলেন না।

ভৃগুপত্নী তখন ক্রোধে জ্বলিয়া উঠিলেন—“বটে! তোমাদের এত বড় আশ্রয়ী!
আমি অস্তুরদিগকে অভয় দিয়াছি তবুও তাহাদিগকে তোমরা বধ করিতেছ? আজ
আমি তোমাদের দলপতি ইস্রাকেই মারিয়া ফেলিব।”—এই বলিয়া তিনি ইস্রের দিকে

ছুটিলেন দেবসৈন্তের সাধ্য হইলনা যে তাঁহাকে বাধা দেয়। ভৃগুপত্নীর চক্ষু দিয়া অগ্নিস্কুলিঙ্গ বাহির হইতে লাগিল, তাঁহার ভেজ দেখিয়া দেবরাজ ইন্দ্র স্তম্ভিত হইয়া গেলেন। দলপতির দুর্দশা দেখিয়া সৈন্তগণ তাঁহাকে ফেলিয়াই উর্দ্ধ্বাসে দৌড়। তখন বিষ্ণু আসিয়া ইন্দ্রকে তাড়াতাড়ি তাঁহার নিজের শরীরের মধ্যে লুকাইয়া ফেলিলেন। তখন ভৃগুপত্নীর ক্রোধ ভীষণতর হইয়া বিষ্ণুর উপরে পড়িল। তিনি গর্জন করিয়া উঠিলেন—“আজ আর রক্ষা নাই! আমি সকলের সাক্ষাতে এখন ইন্দ্র এবং বিষ্ণু দুজনকেই যোগ বলে দন্ড করিয়া ফেলিব।”

এখন উপায়? বিষ্ণুর হাতে ছিল স্তম্ভদর্শন চক্র, ইন্দ্র বলিলেন—“শীঘ্র স্তম্ভদর্শন দিয়া উহার মাথা কাটিয়া ফেলুন।” স্তম্ভদর্শন করিতে হইবে তাবিয়া বিষ্ণুর মনে ভারী দুঃখ হইল। কিন্তু তখন আর দুঃখ করিবার সময় নাই—তিনি চক্র দিয়া ভৃগুপত্নীর মাথা কাটিয়া ফেলিলেন।

এই ব্যাপার দেখিয়া মহর্ষি ভৃগু ক্রোধে বিষ্ণুকে অভিশাপ দিলেন—“এত বড় দেবতা হইয়া তুমি অবধ্য জ্ঞানলোককে হত্যা করিলে এই জন্ত সাতবার তোমাকে মানুষ হইয়া পৃথিবীতে অন্নগ্রহণ করিতে হইবে।”

ভৃগুমুনি তখন তাঁহার স্ত্রীর কাটা মাথাটি তুলিয়া লইয়া শরীরে লাগাইয়া তাহাতে জল ছিটাইয়া “দেবি, তুমি জীবিত হও” এই কথা বলিবামাত্র তাঁহার পত্নী জীবিত হইলেন। তাঁহার এইরূপ আশ্চর্য্য তপস্কার বল দেখিয়া সকলে অবাক হইয়া গেল।

ইহার পর ইন্দ্র দেবপুরীতে ফিরিয়া আসিলেন। কিন্তু তাঁহার মনে আর শান্তি নাই। সমস্ত রাত্রি চিন্তায় কাটাইয়া পরের দিন জোর বেলায় তিনি তাঁহার কন্যা জয়স্বতীকে ডাকিয়া বলিলেন,—“মা জয়স্বতী! দৈত্যগুরু শুক্রাচার্য্য সঞ্জীবনী বিদ্যা পাইবার জন্ত মহাদেবের তপস্কা করিতেছেন। ইহা পাইলে আমরা কিছুতেই অসুরদের সঙ্গে পারিয়া উঠিব না। তুমি গিয়া শুক্রাচার্য্যের সেবা করিয়া তাঁহাকে সন্তুষ্ট কর।”

পিতার আদেশে জয়স্বতী যেখানে শুক্রাচার্য্য তপস্কা করিতেছিলেন সেখানে গিয়া দেখিলেন শুক্র অজ্ঞান অবস্থায় মাটিতে পড়িয়া আছেন; তাঁহার শরীর শুকাইয়া গিয়াছে এবং মুখ দিয়া রোয়া বাহির হইতেছে। জয়স্বতী পরম খেদে সজিত বৎসরের পর বৎসর শুক্রের সেবায় নিযুক্ত রহিলেন। ক্রমে অনেক বৎসর কাটিয়া গেল। এইরূপে হাজার বৎসর পূর্ণ হইলে শুক্রাচার্য্যের ধূম্রত শেষ হইল। তখন মহাদেব আসিয়া শুক্রাচার্য্যকে বলিলেন,—“একমাত্র তুমিই এই কঠোর তপস্কা করিতে

পারিলে, আমি তোমার প্রতি অত্যন্ত সন্তুষ্ট হইয়াছি—তোমাকে আমি বর দিলাম ।



বুদ্ধি, বল, তপস্যা এবং তোমার ভেজ দ্বারা তুমি একাই দেবতাদিগকে জয় করিতে পারিবে । যে সঞ্জীবনী বিজ্ঞা পাইবার জন্য তুমি ব্যস্ত হইয়াছিলে তাহাও তোমাকে দিলাম । কিন্তু সঞ্জীবনী বিজ্ঞা তুমি কাহারও নিকট প্রকাশ করিও না ।” এই বলিয়া মহাদেব চলিয়া গেলেন ।

মহাদেব চলিয়া গেলে পর শুক্লাচার্য্য জয়ন্তীকে জিজ্ঞাসা করিলেন—“তুমি কে ? কেন তুমি আমার দুঃখে কাতর হইয়া আমার সেবা করিতেছ ? তোমার দিষ্ট ব্যবহারে আমি অত্যন্ত সন্তুষ্ট হইয়াছি—তুমি কি চাও বল, নিতান্ত কঠিন কাজ হইলেও আমি তাহা করিব ।” জয়ন্তীর তখন ভারী লজ্জা বোধ হইল, এবং মাথা নীচু করিয়া শুক্লাচার্য্যের কণ্ঠে শুধু এই উত্তর দিল,—“প্রভু ! আপনি ত তপোবল দ্বারাই আমার মনের কথা জানিতে পারেন ।”

শুক্লাচার্য্য যোগবলে জানিতে পারিলেন যে জয়ন্তীর ইচ্ছা সে তাঁহাকে বিবাহ করিয়া দশ বৎসর তাঁহার সহিত সংসার বাস করে । শুক্লাচার্য্য তখন গৃহে ফিরিয়া গিয়া জয়ন্তীকে বিবাহ করিয়া দশ বৎসর কাল তাহার সহিত পরম সুখে সংসার করিতে

লাগিলেন। এই সময়ে তিনি যোগ বলে অদৃশ্য হইয়া রহিলেন কেহই তাঁহাকে দেখিতে পাইল না।

এদিকে অল্পেরেয়া যখন সুনিল যে গুরু শুক্তাচার্য্য মহাদেবের নিকট হইতে বর লইয়া দেশে ফিরিয়াছেন তখন তাহার ঠাঁহার সঙ্কিত সাক্ষাৎ করিতে আসিল। কিন্তু গুরু তখন মারা বলে কোথায় অদৃশ্য হইয়াছেন—কাজেই তাঁহাকে না পাইয়া তাহার ফিরিয়া গেল।

শুক্তাচার্য্যের এই অদৃশ্য-বাসের সংবাদ পাইয়া দেবতাদিগের মাথায় দুইট বুদ্ধি গজাইল। দেবগুরু বৃহস্পতি শুক্তাচার্য্যের রূপ ধরিয়া দৈত্যদিগকে ডাকিয়া বলিলেন,—“শিষ্যগণ! তোমরা সকলে আইস, মহাদেবের প্রসাদে আমি যে বিজ্ঞা লাভ করিয়াছি তাহা তোমাদিগকে শিখাইব।” দৈত্যদের তখন আনন্দ দেখে কে! সকলে মিলিয়া শুক্তবেশধারী বৃহস্পতির নিকটে আসিয়া উপস্থিত হইল।

এদিকে ক্রমে শুক্তাচার্য্যের যখন দশ বৎসর পূর্ণ হইল তখন তিনিও দৈত্যদের নিকটে গেলেন। গিয়া দেখিলেন, কি সর্বনাশ! বৃহস্পতি তাঁহার রূপ ধরিয়া দৈত্যদিগকে ঠকাইতেছেন। এই ব্যাপার দেখিয়া তিনি তাহাদিগকে সাবধান করিয়া দিলেন,—“দৈত্যগণ! আমিই তোমাদের গুরু শুক্তাচার্য্য আর ইনি দেবগুরু বৃহস্পতি—আমার রূপ ধরিয়া তোমাদিগকে ফাঁকি দিতেছেন, তোমরা ইঁহাকে চাড়িয়া আমার নিকট চলিয়া আইস।”

দুইজনই দেখিতে ঠিক এক রকম; কে যে শুক্তাচার্য্য এবং কে যে বৃহস্পতি সুপ্ন দৈত্যেরা তাহা কি করিয়া বুঝিবে! তাহার দুই জনকেই বার বার দেখিতে লাগিল। বৃহস্পতিও চাড়িবেন কেন? তিনিও জোর করিয়া বলিতে লাগিলেন—“দৈত্যগণ! আমিই তোমাদের গুরু শুক্তাচার্য্য, আর ইনিই দেবগুরু বৃহস্পতি—আমার রূপ ধরিয়া তোমাদিগকে ভুলাইতে আসিয়াছেন।”

তাঁহার কথা শুনিয়া অল্পেরেয়া এক সঙ্গে মহা কোলাহল করিয়া বলিয়া উঠিল,—“ইনিই দশ বৎসর ব্যবৎ আমাদিগকে শিক্ষা দিতেছেন, আমরাও ইঁহাকেই গুরু বলিয়া মানিয়াছি।” এই বলিয়া অল্পেরেয়া বৃহস্পতির পায়ে ধূলা লইয়া আগজ্ঞক শুক্তাচার্য্যকে শাসাইয়া বলিল,—“ইনিই আমাদের গুরু, আমরা ইঁহার কথা মতনই কাজ করিব। তুমি কে হে বাপু? তোমাকে আমরা চাই না, শীঘ্র এখান হইতে চলিয়া যাও।”

এই অপমান শুক্রাচার্য্য সহ্য করিতে পারিলেন না, তিনি অতিশয় ক্রুদ্ধ হইয়া দানব-দিগকে অতিশাপ দিলেন—“ওরে দুষ্ট দানবগণ ! তোদের মঙ্গলের জন্য এত করিলাম, এত বুকাইলাম, তবু মূর্খেরা আমার কথা না শুনিয়া আমার অপমান করিলি। তোদের এই অপরাধে তোরা দেবতাদের নিকট পরাস্ত হইবি।” এই বলিয়া শুক্রাচার্য্য চলিয়া গেলেন।

বৃহস্পতি মনে মনে ভারী সন্তুষ্ট হইলেন। তাঁহার উদ্দেশ্যই ছিল যাহাতে দানবেরা শুক্রাচার্য্যের বিজ্ঞা না শিখিতে পারে। এখন তাঁহার সে উদ্দেশ্য সকল হইয়াছে। শুধু তাহাই নহে। আবার শুক্রাচার্য্য অতিশাপও দিয়াছেন—এখন দেবতাদের আর ভয় কিসের ? এইরূপে দৈত্যদের সর্বনাশ করিয়া তিনি নিজের রূপ ধরিয়া প্রস্থান করিলেন।

তখন অশুরেরা সবই বুঝিতে পারিল। তাদের মনের দুঃখে আর জমুচাপে তাহার। সকলে দলপতি প্রহ্লাদকে লইয়া শুক্রাচার্য্যের পায়ে লুটাইয়া পড়িল—কত বে কাঁদিল, কত যে অশ্রু নয় বিনয় করিল! দৈত্যদের দুঃখ দেখিয়া শুক্রাচার্য্য গলিয়া গেলেন—তাঁহার রাগ দূর হইল। তিনি বলিলেন,—“দৈত্যগণ ! আমার কথা মিথ্যা হইবার নহে, দেবতারা একবার তোমাদিগকে ছারাইবেন তোমরাও কিছু দিনের জন্য পাতালে গিয়া আশ্রয় লইবে। কিন্তু আমার বিজ্ঞার বলে তোমরা আবার কিয়টা আসিবে এবং যুদ্ধে জয় লাভ করিবে।

শ্রীহুলদারজন রায় ।

নিরেট গুরুর কাহিনী ।

৪। ছিপ ফেলিয়া ঘোড়া ধরার গল্প ।

আগের দিন গরমে খুব কষ্ট পাইতে হইয়াছিল বলিয়া, এবার শিক্তেরা খুব ভোর বেলাতেই পৌঁটলা পুঁটলি ঝাধিয়া বাহির হইয়া পড়িল। কিন্তু এবারও বেচারারা রক্ষা পাইল না। গুরুর হাঁটিয়া চলিয়াছিলেন বলিয়া তাহারা খুব আস্তে আস্তে বাইতেছিল, কাজেই বেশী দূর যাইবার আগেই রোদ উঠিয়া পড়িল এবং গরমে তাহাদের কষ্ট হইতে লাগিল। কাছেই একটা বাগান দেখা যাইতেছিল, তাহারা সকলে সেইখানে গিয়া বসিল, এবং সকলে মিলিয়া বাতাস খাইয়া ঠাণ্ডা হইতে লাগিল। এমন সময় বোকা ভাবিল, “আমি কেন এই বেলা স্নানটা সেয়ে নিই না ? কাছে একটা পুকুরও ত আছে”।

সেই পুকুরের পাড়েই একটা মন্দির ছিল, আর মন্দিরের উঠানে একটা মস্ত বড় মাটির ঘোড়া দাঁড় করান ছিল। ঘোড়াটা বোখ হয় কেহ দেবতার নিকট মান্ত করিয়া থাকিবে, ইচ্ছা পূর্ণ হওয়াতে উঠানে রাখিয়া গিয়াছে। পুকুরটি জলে খই খই করিতেছিল, আর জলটা পরিষ্কারও বুঝ ছিল; কাজেই জলের মধ্যে ঘোড়াটার চমৎকার ছায়া পড়িয়াছিল। বোকা জলের মধ্যে একটা ঘোড়া দেখিয়া অবাক হইয়া পেল, কিন্তু উপরের ঘোড়াটার দিকে চাহিয়া দেখিল যে সেটা এবং জলের ভিতরের ঘোড়াটা ঠিক এক রংয়ের এবং এক সমান, তখন তাহার মনে হইল যে, হয় ত জলের ভিতরের জিনিষটা আর একটা ঘোড়া নয়, উপরের ঘোড়ারই ছায়া।

এমন সময় একটু জোরে বাতাস বহাণ্ডে জলে ঢেউ উঠিল, আর সেই সঙ্গে সঙ্গে ঘোড়ার ছায়াটাও নড়িতে লাগিল। বোকা ভাড়াভাড়ি মাটির ঘোড়াটার দিকে চাহিয়া দেখিল যে সেটা মোটেই নড়িতেছে না, আগের মত চূপচাপ দাঁড়াইয়া আছে, তখন তাহার শির বিখাস হইল যে জলের ঘোড়াটা মাটির ঘোড়া হইতে একেবারে আলাদা, এবং সেটা নিশ্চয় বাঁচিয়াও আছে, তাহা না হইলে নড়িবে চড়িবে কেমন করিয়া? তবুও একেবারে সব সন্দেহ দূর করিবার জন্ত সে জলে একটা টেল ছুঁড়িয়া মারিল। জলে ছিল পড়িবামাত্র ছায়াটা খুব জোরে নড়িয়া উঠিল, বোকার মনে হইল যে, ঘোড়াটা মাথা তুলিয়া, পা ছুঁড়িয়া খুব জোরে লাফাইতে লাগিল। সে তখন ভয় পাইয়া ছুটিয়া গিয়া নিজের সঙ্গীদের খবর দিল।

শুনিবামাত্র বোকার সঙ্গীরা ছুটিয়া গিয়া পুকুরের ধারে উপস্থিত হইল। সব দেখিয়া শুনিয়া তাহারা বুঝিল যে বোকা ঠিক কথাই বলিয়াছে। জলের ঘোড়াটাকে কি রকম করিয়া ধরা বাইতে পারে ইহাই এখন জাবনার বিষয় হইয়া দাঁড়াইল। কেহই জলে নামিয়া সেটাকে ধরিতে রাজি হইল না, নানা জনে নানা রকম উপায় বাহির করিতে লাগিল, কিন্তু কোনটার দ্বারাই কাজ উদ্ধার করায় লক্ষণ দেখা গেল না। শেষে ঠিক হইল যে ছিপ ফেলিয়া যেমন করিয়া মাল খয়ে, সেই রকম করিয়া ঘোড়াটাকে ধরিয়া ডাঙ্গায় তুলিতে হইবে। ছিপে করিয়া ত ধরা হইবে, কিন্তু বঁড়শী কোথায় পাওয়া যায়? পাঁচ বৃক্ষমানের মধ্যে একজন একখানা কাস্তে সঙ্গে করিয়া আনিয়াছিল, সেইখানাকেই বঁড়শী করা শির হইল। গুরুর পাগড়ীতে কাস্তে বাঁধিয়া চমৎকার ছিপ তৈয়ারী হইল, টোপ হইল এক পোর্টলা ভাঙ, সেটাও এক শিখরের সম্পত্তি। বাক, এইবারে ছিপটি জলে ফেলা হইল, জিনিষটি বিশেষ হালকা

ছিল না, কাজেই খুব জোরে বপাৎ করিয়া গিয়া পুকুরে পড়িল। ঘোড়ার চায়টাও খুব জোরে ঝড়িয়া উঠিল। শিয়েরা দেখিল যে ঘোড়াটা ভয়ানক লাফাইতেছে এবং পা ছুঁড়িতেছে; তাহাদের ভয় হইল পাছে ঘোড়াটা লাফাইয়া বাহিরে আসিয়া তাহাদের চুই চার লাখি কসাইয়া দেয়। অতএব সকলে মিলিয়া সেখান হইতে দৌড় দিল। কেবল যে ছিপ খরিয়াছিল সে পালাইল না, সেইখানেই বসিয়া রহিল। খানিক পরেই জলটা একটু স্থির হইল, তখন সকলে আবার আস্তে আস্তে আগাইয়া আসিতে লাগিল। এদিকে ভাতের পুঁটলীতে মস্ত এক মাছ আসিয়া কামড় দিয়াছে, ছিপে টান পড়িবার মাত্র যে ছিপ খরিয়াছিল সে সকলকে ডাকিয়া বলিল, “দেখ, দেখ, ঘোড়াটা চৌপ গিলছে”। ইতিমধ্যে মাছটি পোঁটলা শুদ্ধ ভাত পার করিয়া বসিয়া আছে, আর কাস্তেখানি জলের



মথের কতগুলি গাছ পালায় আটকাইয়া গিয়াছে। ছিপ টানিয়া তুলিতে গিয়া তাহারা

“বঁড়ীটা একেবারে ঘোড়ার মুখে বিঁধে গিয়েছে, বাচা এইবার আমাদের হাতে এসেছেন”। ঘোড়াটাকে এইবার টানিয়া তুলিলেই হয় ; সকলে মিলিয়া ছিপটাকে ধরিয়া খুব জোরে “ইয়াইও” করিয়া এক টান দিল আর সঙ্গে সঙ্গে পাগড়ী ছিঁড়িয়া সকলেই চিৎপাত ! পাগড়ী বেচারার বিশেষ পোষ দেওয়া যায় না, একে গুরুমশায় তাহাকে অনেক বৎসর ধরিয়া মাথায় বাঁধিতেছিলেন, তার উপর পাঁচটি নাদুসু মুদুসু শিষ্যের টান ।

ঐ সময় সেখান দিয়া একজন ভালমানুষ গোছের লোক বাইতেছিল। সে পুকুর পাড়ে পাঁচ জন লোককে গড়াগড়ি বাইতে দেখিয়া, কাছে আসিয়া জিজ্ঞাসা করিল যে তাহাদের কি হইয়াছে। শিষ্যেরা সকল কথা খুলিয়া বলিল। সে ব্যক্তি দেখিল যে ইহাদের বুদ্ধি কিছু বেশী, ইহাদিগকে আপনাদের ভুল বুঝাইয়া দেওয়া মরকার। সে তখন একখানা কাপড় আনিয়া মাটির ঘোড়াটাকে ঢাকিয়া দিল আর উহাদিগকে জলের জিভের দেখিতে বলিল। জলের ঘোড়াটিকেও কাপড় ঢাকা দেখিয়া, তখন তাহারা ব্যাপারখানা বুঝিতে পারিল। তখন তাহাদের মনে হইল যে এমন একজন ভাল লোক বখন পাওয়া গিয়াছে তখন তাহাকে আপনাদের সব সুখ দুঃখের কথা খুলিয়া বলা উচিত। লোকটিকে লইয়া গিয়া তাহারা প্রথমে গুরুকে দেখাইল। তারপর নিজদের একটা ঘোড়ার দরকার, সেই জন্ত অল্প দামে একটা ঘোড়ার ডিম কেনা, সেই ডিমটা নষ্ট হইয়া যাওয়া এবং বঁড়ী ভাড়া করা, প্রভৃতি যত ঘরের কথা ছিল কিছুই বলিতে বাকী রাখিল না। সে লোকটি দেখিল যে ইহারা ভাল মানুষ, যদিও ইহাদের বুদ্ধির কিছু অভাব আছে। বোকাদের প্রতি তাহার একটু দয়া হইল, সে বলিল, “আমার একটা খোঁড়া ঘোড়া আছে, সেটা বুড়োও হয়েছে কাজেই তাতে চড়তে কোনও ভয়ের কারণ নেই। টাকা কড়ি কিছুই দিতে হবে না, আমি ঘোড়াটা অর্মানিই তোমাদের দেব। তোমরা সকলে আমার বাড়ী এস।” এই বলিয়া সে সকলকে লইয়া নিজের বাড়ী চলিল।

(ক্রমশঃ)

“কালো” ।

যার কথা বলতে যাচ্ছি তার নাম “কালো”—সে কিন্তু নোরা দেশেরি জীব, একটি অস্ট্রেলিয়ান ওয়েলার ঘোড়া। কালো সে বটে, একদম ‘কালো আদমি’—কপালে দুখের রংএর একটি টিপ ছাড়া তার শরীরে কোথাও সাদার চিহ্ন মাত্র নাই। এ টিপ সহি করে তার দেশ-মা যেন তার জাতীয়ত্বের দলিল রেজিস্ট্রি করে দিয়েছেন, সে সনন্দ অপ্রমাণ করে আর কার সাধ্য। ঘোড়া’টি দেখতে দিব্যি সুন্দর, কিছু মৌখীন, কিঞ্চিদধিক পরিমাণে খাম খেয়ালি! অভিজ্ঞাত বংশীয় বলে তার বিশেষ অহঙ্কার আছে। ফুলি মজুরের কালো কাপড়, মোট বইবার যুক্তি দেখলে একেবারে আঁতকে ওঠে। রাস্তায় তার নাকের পাশ দিয়ে হাওয়া গাড়ী জেঁ জেঁ করতে করতে গেলে, কিম্বা রাস্তা সারাবার এঞ্জিন গাড়ী যদি প্রবল শব্দে অত্যধিক ব্যস্ততার সহিত জনবরত হাওয়া আসা করে, তাহলেও এ বীর ত্বরঙ্গম কিছু মাত্র বিচলিত হয় না; কিন্তু ঝাঁকা মুটে বেচারী পাশ কাটিয়ে গেলেও, সে চমকে, ধমকে দাঁড়ায়; আর রাস্তার ধারে আঁচল-পাতা ভিখারিণীকে দেখলেও আর রক্ষা থাকে না, একেবারে মুখ ফিরিয়ে অন্য পথে যাবার জন্তে লক্ষ রূপ অারম্ব করে। তখন তাকে অনেক দিলাসা দিতে হয়, বলতে হয় “গুড বয় সো অন”—সহি তার পিঠ চাপড়ায়, কোচম্যান বলে “চলো চলো”—আর মুনিব বলেন “আরে কালো কি দুষ্টামি করছিস্ শীগগির চল”—অনেক স্তব স্তুতি এবং সেই সঙ্গে দুএকবার চাবুকেরও শব্দ হবার পর, স্বগিড বাত্রা আবার আঁতস্ত হয়।

অভিজ্ঞাত বংশীয় হলে কি হয়—কালার ক্ষুধা, নিবৃত্তি জানে না; ভোর ছয়টায় সে একবার দানা খায়, আর কিছু পূর্ব হ’তেই চীৎকার আরম্ভ করে, “খাবার দাও”, “খাবার দাও”। যখন দেখে দরওয়ান ভাঁড়ার খুলে সহিসকে দানা ওজন করে দিচ্ছে তখন সে আরো অস্থির হয়, চীৎকার করে, লাফায়, আবার এক এক দিন আস্তাবলের দরজার বাঁশ পা দিয়ে তুলে ফেলে, বাহিরে দৌড়ে আসতে চায়। এর জন্তে তার শাসন যে হয় না তা নয়, তবে তাতে কোন ফল হয় না—আবার বেলা একটার মধ্যাহ্ন জোজনের সময় সেই একই অভিনয় চলে। ‘কালো’র কাঙালপনারও অন্ত নেই, আপন খাবার খেয়ে আশ মেটে না, শোবার বিচালি পর্য্যন্ত শেষ করে। এটা ক্ষুধা নয়ত লোভ, এর আর অন্ত কোথায়, “যতই করিবে গ্রাস তত বাবে বেড়ে।” কালার

এটা স্বভাব-বোধ, সংশোধন হওয়া দুকর—জানই ত কথায় বলে, “ইন্নত বায় ধুলে আর স্বভাব ধায় ম’লে”—কালী ম’লে বড় অসুবিধা, লোভী হয়েই বেঁচে থাকুক কি করা যায় বল ?—কালী লোভী হলেও, তার আরও সঙ্গুণ আছে। সে কুকুরের মত বাড়ী পাছারা দিতে জানে। অজানা লোক বাড়ীর ভিতর ঢুকলে, কিছা আস্তাবলের কাছে গেলে, সে চাঁহি চাঁহি স্বরে এল্লি বাঁশরী বাজাতে আরম্ভ করে, যে, চাকর বাকর যে বেখানে আছে সবাইকে ঘরের বার ক’রে তবে সে চাড়ে। অপরিচিত লোকটির সদগতি না করে কালী আর স্থস্থির হয় না। তার চলন ভঙ্গীটি বড় সুন্দর, সে বখন ঘাড় বাঁকা করে, কাঁধের চুল নাচাতে নাচাতে, সমুদ্রের তরঙ্গের মত দুলাতে দুলাতে দৌড়ে যায়, তখন তাকে বড় চমৎকার দেখায়; যে দেখে সে বাহবা না দিয়ে থাকতে পারে না। কাজে তার আপত্তি নেই, বত দূরই নিয়ে যাও না খুসী মনেই যায়; তবে রাস্তা সখস্কে বাচ বিচার আছে। কলিকাতার লাল রাস্তা আর গঙ্গা কিনারায় হাওয়া খাওয়াটাই তার পছন্দ সই—সহরের কাছাকাছি পাড়াগাঁয়ের মের্ত্তো পথ, আর খেনো জমী, আদপেই তার মনে ধরেনা; সে দিকে যেতে হলে হাজিমা বাখাবার চেষ্টায় থাকে—কিন্তু শেষ অবধি জিন্দ বজায় রাখতে পারে না, কি করে রাখবে বল, পরাধীন, চাঁদন দড়ি বাঁধন দড়ি দিয়ে গাড়ীর গায়ে বাঁধা, সহিসের তখি; কোচম্যানের চাবুক; সবাই মিলে তাকে কাবু করে ফেলে; তখন দীর্ঘ নিশ্বাস ফেলে চালকের ইঞ্জিত মত ছুটে চলে। রাস্তায় মধ্যে যদি কোথাও আটকান জল কিছা কলার পাতা কি বাসনা পড়ে থাকতে দেখে তবে ফৌস ফৌস করে নিশ্বাস ফেলে; তার আকার প্রকার দেখলে বেশ বোকা যায় ভারী ভয় পেয়েছে, সেখানে আর দাঁড়াইনা কি ডাকায়না, একেবারে প্রাণপণ করে ছুটে চলে; কতক্ষণে এ বিভীষিকা এড়িয়ে যাবে, এই তার একান্ত চেষ্টা হয়। আর সে ভয় করে নিজের চায়াকে, জ্যাংস্রা রাতে বখন সওয়ারিতে যায়, তখন সে এই আপন ছায়াকে দেখে আর অবাক হয়; কিছুই ঠাণ্ডর করতে পারেনা, এ সঙ্গী দাঁড়ালে দাঁড়ায়, ছুটলে আগ বাড়িয়ে যায়, কোন মতেই তাকে দূরে ফেলে যাবার যো নেই, বতই দৌড় দিক্ না বন্ধু সঙ্গে সঙ্গেই চলে, তবু তার কেমন ভয় হয়, হয়ত বা এ তার বন্ধু নয়; শত্রুই হবে বুঝি বা। সে বায় আর ফিরে ফিরে দেখে, আলোর দিক অনুসারে ছায়াও দিক্ পরিবর্তন করে, আর এই অবোধ জীবটি দিশেহারা হয়ে পড়ে। সে তাই জ্যাংস্রার চেয়ে অন্ধকারকেই পছন্দ করে বেশী, তখন এ নাছোড়বান্দা ছায়া ভো সঙ্গে থাকেনা, “কালী” মনের আনন্দে চলে, নিজে

কালো; সে কালোকেই ভালবাসে, যেমন চোরে চোরে মালতুত ভাই। আলোত তার জ্ঞানি কুটুম নয় ভাই তাকে দুয়ে রাখে। পরকে আপন করা চতুষ্পদের কৰ্ম নয়।

“কালো” বড় আত্মরে, সকালে সওয়ারি দিতে তার মন সরে না, তিনি চান সন্ধ্যার কুর কুরে হাওয়াটি যখন দেবে, তখন ফুল বাবুটির মত বেরোবেন। সকাল বেলায় ঘুম ভেঙে উঠে দিবা আশমে জিরিয়ে জিরিয়ে প্রাতরাশের সব্যবহার করবেন, ধীরে ধীরে মেহ হতে ঘূমের আলস ছুটবে, তারপর সহিসের হাত ধরে আহ্লাদে আলালের ঘরে দুলালের মত, দুলুতে দুলুতে বেড়াতে যাবেন, এই তাঁর মনগত অভিশ্রায়; কিন্তু কার্যা-গতিকে যে দিন এ নিয়মের ব্যতিক্রম হয় সে দিন ভারী চটে যান। গাড়ী জুতবার সময় বার বার ফিরে ফিরে তাকায়, ভাবখানা, মেহত আমার “ভোরের চা কুটির তোস” সব পড়ে রইল আমার কোথায় নিয়ে যায়?” তবে ফিরে এসে যখন মুখেরে আধ খেতে পায় তখন সে খুব খুসী হয়। “মধুরেণ সমাপয়েৎ” এ কথা তো আমরা সবাই মানি, তা “কালো” কোন ছার ?

ঐপ্রিয়বদ্য দেবী।

রান্নাসে মাকড়সা।

ভাই সন্দেহ,

তুমি আশ্বিনের সংখ্যায় রান্নাসে কাঁকড়া আর নারকেল-খেঁকো কাঁকড়ার কথা লিখেছ, তা পড়ে খুব আশ্চর্য্য বোধ হল।

উড়িষ্যায় আমার বাড়িতে, কাল যে কাঁকড়ার মালতুত ভাই এক মাকড়সাকে দেখলাম সেও কম জন্তু নয়। তার ছবি দেখলে আর তার বিষয় পড়লে তুমি নিশ্চয় আশ্চর্য্য হবে।

কাল রাত্ৰিতে আমার রাধুনি বামুন খাবার তৈয়ারি কতে বড়ই দেবী কলে। কারণটা কি বুঝবার জন্ম রান্নাঘরে গেলাম। রান্না ঘরের দরজার কাছে দাঁড়িয়েছি এমন সময়ে দেখলাম দরজার পাশে উপর থেকে একটা কি বপু করে পড়ল। ল্যান্ডিন দিয়ে দেখলাম কাঁকড়ার মত প্রকাশ একটা মাকড়সা একটা টিকটিকি ধরেছে আর টিকটিকিটে তার পেটের তলা থেকে ছট্‌কটু কচ্ছে। খানিক পরেই, দেখতে দেখতে, টিকটিকিটার নড়াচড়া বন্ধ হয়ে গেল। দেখলাম

মাকড়সটা, বাঘের নখের মত বড় বাঁকা ও ধারাল, তার দাঁত দুটো টিকটিকির পিঠে



মুঠিয়ে দিয়ে রক্ত চুষে খাচ্ছে। রাত্তি ঘরে আস্তান তুলবার একটা বড় লোহার চিম্টে চুলোর পাশে পড়ে ছিল, আমি সেই চিম্টে নিয়ে ধীরে ধীরে মাকড়সার কাছে এসে তাকে চিম্টে দিয়ে ধরে তুললাম। সে তার বড় বড় ঠ্যাং চারিমিকে ছুঁড়তে লাগল। আমি তাকে নিয়ে খুব বড় একটা কাঁচের চওড়া-মুখো বোতলের মধ্যে ফেলে দিয়ে

বোতলের মুখ একখানা স্নাকড়া দিয়ে বেঁধে মাকড়সটাকে কয়েদ করে রাখলাম। আর তার চেহারা আর ভাবগতিক দেখতে লাগলাম। সে ভারি চটেছিল। চটে কর্কটের কি, বাচাধন বন্দী! হঠাৎ দেখলে মনে হয় বেন এর পাঁচ বোড়া বা দশটা পা। তা কিন্তু নয়। মাথার সামনে প্রথম বোড়াটা দেখতে অস্ত্র পাত্তলোর মত হলেও সে দুটো গৌক বা সুর্যোর কাষ করে। কড়িং, আহুঁল্লো, প্রজ্ঞাপতি প্রকৃতির যেমন এক বোড়া করে সরু সুর্যো থাকে, মাকড়সাদেরও তেমনি সুর্যো না থাকলেও এক বোড়া মত আছে, সে বোড়া সরু নয়, মোটা ও দেখতে ঠিক পায়ের মত। আর চার-বোড়া পা, সেই আটটা পা দিয়ে চলা ফেরা করে। প্রথম বোড়া দিয়ে ধরে বা স্পর্শ করে দেখে তাই এ বোড়াকে “স্পর্শনি” বলে।

এ মাকড়সটা কাঁচের বোতলের মন্থণ গা বেয়ে উঠতে লাগল। দেখলাম পিচনের তিন বোড়া পা দিয়েই উঠছে, আর প্রথম পা বোড়া ও সুর্যো বোড়া সামনের দিকে তুলে নাড়তে বেন ঠাঙড়ে হাতড়ে সব দেখছে। সাধারণ মাকড়সারা চার বোড়া পায়ে হাঁটে, এরা পিচনের তিন বোড়া পায়ে হাঁটে, প্রথম দুবোড়া স্পর্শনির কাষ করে। তারপর টেবিলের উপর আঙ্গুল দিয়ে টোকা মাল্লে যেমন ঠক্ ঠক্ করে শব্দ হয়, বোতলের মধ্য থেকে সেই রকম শব্দ বেরুচ্ছে। মনে করলাম পায়ের আগায় নখ আছে তাই

দিয়ে বুকি টাকা মাছে, অথবা দাঁতে বা মারছে। আলো দিয়ে বেশ করে দেখলাম, তাতে বুকলাম ও রকম শব্দ হচ্ছে না। পায়ের তলা নরম রোমে ঢাকা, তাতে নখ নাই, থাকলেও এত ছোট ও সরু যে তা দিয়ে শব্দ হয় না। ভারপর দেখলাম যখনই স্ত্রীয়ে তুলে চোয়ালে যবে তখনই ঠক করে শব্দ হয়। চোয়ালের মায়ে ছোট ছোট কাঁটা আছে, স্পর্শনির শব্দ সোড়াটা তাতে বাধিয়ে টানলেই ঐ রকম শব্দ হয়। শব্দ করে বোধ হয় দেখায়। পায়ের তলা এমন ভাবে গড়া যে খাড়া কাঁচের গা বেয়েও উঠতে পারে পিছলে পড়ে না। পিঁপুড়ে ও রকম উঠতে পারে না, মাছিতে পারে।

এর গলা নাই। মাথা ও বুক মিশে এক হয়ে গিয়েছে। পেটটা বুক থেকে তির আছে। শরীরটা দুভাগে বিভক্ত,—মাথায়ুক্ত বুক আর পেট। সব মাকড়সার ঐ রকম। কাঁকড়ার মাথা-বুক-পেট সব যুড়ে এক হয়ে গিয়েছে। এর মুখের সামনে ছোটো শক্ত ডিবলে আছে, সে ছোটো তার চোয়াল বা ঠোঁট। সেই ঠোঁটের আগায়, তলার দিকে বাকান, বিভালের নখের মত শক্ত, বাঁকা ও ছুচল বিষ দাঁত আছে। গাশের বিষ দাঁতের মত এদের দাঁতেও ছিদ্র আছে, সেই ছিদ্র দিয়ে ঠোঁটের সোড়ার বিষের থলি থেকে বিষ বেরিয়ে আসে। টিকটিকিটার পিঠে দাঁত কুটিয়ে বিষ ঢেলে দিয়েছিল বলে টিকটিকিটা নিস্তেজ হয়ে পড়ল আর ভারপর মরে গেল। ছোট মাকড়সাদেরও ঐ রকম বিষ দাঁত আছে। তারা মাছি বা অল্প শোকা ধরে দাঁত বসিয়ে, বিষ ঢেলে মেরে ফেলে ভারপর রক্ত চুষে খায়। এই ঠোঁট দুটাকে “নংশনোষ্ঠ” বলে। কাঁকড়ার সামনের ছোটো পা তার শিকার খরবার চোয়ালের অথবা হাতের কাণ করে, কিন্তু সে ছোটো তাদের ঠোঁট নয়, আর তাদের বিষ দাঁতও নাই। মাকড়সার দুটো দাঁত মুখের মধ্যে নয়, আর তা দিয়ে খাবার চিবুনো বা হেঁড়াও যায় না, স্তম্ভরাং এগুলো সত্যিকার দাঁত নয়। ঐ শিকার মারা কল, আর শিকার ধরে মুখের মধ্যে পুরে দেখার যন্ত্র। তা ছাড়া এ দিয়ে খাবার ধরে মুখের কাছে আনে।

এর পায়ে অনেকগুলি পিঁট বা পর্ব্ব বা পীপু আছে। প্রত্যেক পায়ে সব শুষ্ক সাতটা পর্ব্ব আছে। কাঁকড়া ও ছিড়ি, পতঙ্গ ও তেঁতুলে বিচা আর কেয়োর পাও এই রকম অনেক ভাগে বা পর্ব্ব বিভক্ত। সেই জন্ত এই সব প্রাণীকে এক বিভাগে ভুক্ত করা হইয়াছে, এই বিভাগের প্রাণীদের নাম “পর্ব্বপদ” প্রাণী। কাঁকড়া, চিংড়ি প্রভৃতি যে সব পর্ব্বপদ প্রাণীর দেহ শক্ত বোলায় ঢাকা তাদের এক শ্রেণীতে রাখা হয়েছে, তার নাম “বোলাকী”—কড়ি, প্রজাপতি, বশা মাছি, বোলা পিঁপুড়ে প্রভৃতি

যে সব পর্ব্বপদ প্রাণীর দেহ তিন ভাগে কাটা বা বিভক্ত, অর্থাৎ যাদের মাথা বুক আর পেট তিন দেখা যায় তাদের অস্ত্র এক শ্রেণীতে রাখা হয়েছে। তাদের “খণ্ডিত-দেহী” বলে। ইংরাজিতে এদের in-sect বলে, তার অর্থ—“খণ্ডিত দেহ”। এদের সকলেরই বুক থেকে তিন বোড়া বা ছ’টা পা বেরোয় সেই জন্য এদের আমরা “ষট্‌পদও” বলি। কেন্নো, তেঁতুলে বিচে প্রভৃতি প্রাণীর দেহ অনেক ভাগে বিভক্ত এবং তাদের অনেকগুলি পা থাকে, তাই তাদের অস্ত্র এক শ্রেণীভুক্ত করা হয়েছে আর তার নাম দেওয়া হয়েছে—“বহুপদ”।

যে সব প্রাণী মাকড়সার মত আর যাদের মাথা আর বুক এক হয়ে গিয়েছে তাদের শ্রেণীর নাম “মাকড়সা শ্রেণী”। মাকড়সা, কাঁকড়াবিচা,—আর কুকুর ও ছাগলে গায়ে যে ‘টিক্’ পোকা বা এঁটুলি পোকা হয়—আর যে সব ক্ষুদে ক্ষুদে পোকা তোমার গায়ে বাসা করে তোমার খোসা বা পঁচড়া জন্মায়—তারা সব এই মাকড়সা শ্রেণী ভুক্ত। মাকড়সা in-sect নয়। যাদের মাথা, বুক ও পেট এই তিন ভাগ পৃথক ও স্পষ্ট ও যাদের ছ’টা ক’রে পা থাকে তারাই কেবল insect. মাকড়সাদের আটটা পা।

এই যে জাতের মাকড়সা ধরেছি তাদের রাক্ষুসে মাকড়সা বা বাঘা-মাকড়সা বলে। এরা অস্ত্রাস্ত্র মাকড়সার মত জাল বুনে ফাঁদ পেতে শিকার ধরে না। বাঘের মত শিকারের পিছু পিছু নিঃশব্দে গিয়ে হঠাৎ তার ঘাড়ের লাফিয়ে পড়ে বিষ দাঁত ফুটিয়ে তাকে মেরে কেলে। কয়েক জাতের ছোট ছোট মাকড়সা আছে তারাও ঐ রকমে মাছি ও অস্ত্র ছোট ছোট পোকা শিকার করে। তারা এই রকমে শিকার ধরে তাদের শিকারী মাকড়সা বলে। অনেক জাতের মাকড়সা আছে তারা জাল বুনে ফাঁদ পেতে পোকা ধরে। তাদের মধ্যে কোন কোন জাত ঘরের মধ্যে দেয়ালের কোণে ও ছাদে জাল পাতে; কোন কোন জাত বাগানে গাছের ডালের মাঝে জাল পাতে; আবার কোন কোন জাত মাটিতে ঘাসের উপর জাল পাতে। জাল বোনার ধরণও সব জাতের সমান নয়। ভিন্ন ভিন্ন জাতের মাকড়সা ভিন্ন ভিন্ন রকমের জাল তৈয়ার করে।

এই রাক্ষুসে মাকড়সার গা-ময় ঘন কোমল চিকণ লোমে ঢাকা, দেখতে মশমলের মত। রং কাল বা গাঢ় ধূসর। পা গুলিতে সাদা ও কাল ডোরা, দেখতে বেশ সুন্দর। মাথার উপরে মাঝখানে এক জায়গায় ছোট ছোট আটটি চোখ আছে।

এই জাতের রাক্ষুসে মাকড়সা ভারতবর্ষ, ত্রাশ্বা, শ্রাম, মালয়, সুমিত্রা, বব ও পায়মা দ্বীপ এবং অষ্ট্রেলিয়া দেশে বাস করে। ইছারা খোড়ো ঘরের চালে, পুরাতন বাড়ীর

ফেয়ালের কাটলে, গাছের কোটরে, পাহাড়ের পাথরের ফাঁকে, ইঁট পাথর ও কাঠের জুড়ির ভায়ায় বাস করে। ভবিতে দেখ, ইহার পিছন দিকে দু'টা উঁচু গোর্গের মত বাহির হইয়া রহিয়াছে, ও দু'টা ইহার সূতা-কাটা খলি। ঐ খলি হইতে সূত্ন ছিঁড় পথে রস বাহির হইয়া ক্রমিয়া সূতা হয়। সব মাকড়সার ঐ রকম সূত্নকাটা খলি থাকে, সেই সূত্নর জাল বুনে। ইহারা জাল না বুনিলেও সূতা অল্প কাবে লাগায়। ইহারা পেটের খলি হইতে সূতা বাহির করিয়া, বন করিয়া বুনিয়া



রেনমের কাপড়ের মত তৈয়ার করে, সেই নরম কাপড় বালায় পাতিয়া দিয়া আরামে বাস করে। স্ত্রী-মাকড়সা সূতা দিয়া ছোট্ট রেকাব বা বাটীর মত তৈয়ার করিয়া তাতে ডিম পাড়ে, পরে বাটীটার মুখ আর এক খানা কাপড়ের চাক্তি দিয়া বন্ধ করিয়া দেয়। সেই কাপড়ের খলিয়ার তিতর ডিমগুলি থাকে, পরে যথা সময়ে ডিম ফুটিয়া বাচ্চা বাহির হয়। মা ফুদে ফুদে বাচ্চাদের কাছে কাচে থাকে আর তাদের খাওয়ায়। বাচ্চারা বড় হলে নিজেরাই শিকার ধরে খায়। কখন মা আর তাদের খোঁজ খবরও লয় না, বরং পেনে ধরে খেতেও ছাড়ে না। বাচ্চারা বড় হতে থাকলে তাদের শরীরের চামড়াটা কেটে যায়, তার তলে নুতন

ক্রমিক বৈশেষ পোয়া 'রাবুলে' মাকড়সা ।

চামড়া গলায়, বাচ্চার শরীরটাও বড় হয়, আর পুরান চামড়াটা খসিয়া পড়ে। সাপে

যেমন খোলস ছাড়ে, মাকড়সা, কাঁকড়া, চিংড়িও সেই রকম মাঝে মাঝে খোলস বদলায়, প্রত্যেক বারে শরীরটা পূর্ববাপেক্ষা বড় হয়। পূর্ববরক না হওয়া পর্যন্ত মাকড়সা সাত আট বার খোলস বদলায়।

আমি যে মাকড়সাটা ধরিয়াছি সেটার পা ছড়াইয়া দিলে, একপা'র আগা থেকে অপর পাশের পা'র আগা পর্যন্ত এইক লম্বা—সন্দেহের পাতার চেয়েও বেশী চৌড়া-স্থান জুড়িয়া থাকে। এর মাথার আগা থেকে পেটের শেষ পর্যন্ত আড়াই ইঞ্চি। এক একটা এর চেয়েও বড় হয়। এদের মত অস্থ জাতের রাকুসে মাকড়সা আমেরিকায় ও আফ্রিকায় দেখা যায়।

ব্রাজিল দেশে একরকম “রাকুসে” মাকড়সা আছে। সেগুলি নাকি এমন পোষমানের বে সে দেশের ছেলেমেয়েরা অনেক সময় তাদের কোমরে দড়ি বাঁধিয়া এদিক ওদিক খেলাইয়া বেড়ায়। ঠিক যেন পোষা কুকুর।

ইহারা সাধারণতঃ আর্সলা, গুবরে পোকা, কড়িং প্রভৃতি নানা প্রকার কীট পতঙ্গ, ছোট ছোট টিকটিকি, গিরগিটি, সাপের বাচ্চা ও ছোট ছোট পাখীর বাচ্চা ধরিয়া খায়। ছবিতে দেখ, রাকুসে মাকড়সায় কেমন টিকটিকি আর পাখী ধরে আছে।

আগামী বারে তোমায় কাঁকড়া-বিছে আর তেঁতুলে বিছার কথা বলব। আজ এই পর্যন্ত।

তোমার যেম দাদামশায়।

চার বিদ্যে ।

এক ছিল বুড়ো—সে বেচারী মেহাৎ গরীব—তার চারটা ছেলেকে নিয়ে খুব কষ্টে-স্বঠে দিন কাটাত। একদিন সে তার ছেলেদের ডেকে বলে “দেখ বাবা আমি ত বুড়ো হয়েছি আর কদিনই বা বাঁচব; তা তোমরা এই বেলা কিছু কাজ কর্ম শিখে নাও যাতে তোমাদের আর আমার মত কষ্ট পেতে না হয়”। এই কথা শুনে ছেলেরা জাবলে “তাইত বাবা ত ঠিক কথাই বলেছেন, একটা কিছু কাজ কর্ম শিখে নেওয়া যাক।” এই বলে তারা চারজন যার যা কিছু পুঁজি ছিল তাই নিয়ে বেরিয়ে পড়ল। তারা ক্রমাগতই চলতে চলতে, কত গ্রাম, কত বন পার হয়ে শেষে একটা চৌমাথা রাস্তায় এসে পড়ল। তখন প্রায় সন্ধ্যা হয়ে এসেছে, সমস্ত দিন রোমে ঘুরে ঘুরে তাদের

গা, হাত, পা সব কিম কিম করছে । তারা আর দাঁড়িয়ে থাকতে না পেরে সেই খানেই থপু করে বসে পড়ল । কাছে একটা ভাল প'ড়ো বাড়ী ছিল, তারা রাত্তিরটা সেই খানেই কাটাতে ঠিক করে । সকাল বেলা যুম থেকে উঠে চারজনে পরামর্শ করলে যে "আমরা চারজনে চারটি রাস্তা ধরে বাব কিছ ঠিক চার বৎসর পরে আবার এইখানে এসে জড় হয়ে তারপর এক সঙ্গে বাড়ী যাব ।" এই ঠিক ক'রে চার জনে চার দিকে চলে গেল । বড় ছেলেটি খানিকটা যেতে না যেতে দেখতে পেলে যে একটি লোক তাকে হাত বাড়িয়ে ডাকছে । সে তখুনি তার কাছে গেল । সেই লোকটি জিজ্ঞেস করে "তুমি কোথা যাচ্ছ ?" বড়ছেলেটি বলে, "আমি কিছু একটা কাজ চাজ শেখবার জন্যে বিদেশে যাচ্ছি" । সে বলে তার আর ভাবনা কি ? আমার কাছে থাক, আমি তোমাকে সেরা বিচ্ছেদ শিখিয়ে দোব । ছেলেটি জিজ্ঞেস করে, "সে কি রকম ?" সে লোকটা বলে "সে হচ্ছে এমন বিচ্ছেদ যে তুমি যে জিনিসটা মনে করবে সেই জিনিসটা আনতে পারবে অথচ কেউ টের পাবেনা ।" বড় ছেলেটি তাইতেই রাজী হয়ে তার সঙ্গে থেকে গেল । এদিকে মেজ ছেলেটিও যেতে যেতে একটা বুড়ো লোকের দেখা পেলে । সে লোকটা বলে "তুমি আমার চেলা হও আমি তোমায় এমন বিচ্ছেদ শেখাব যাতে তুমি পৃথিবীর সব জিনিস দেখতে পাবে ।" মেজ ছেলেটিও তখন তার চেলা হয়ে রইল । সেজ ছেলেটিও ঐ রকম এক শিকারীর পাল্লায় পড়ল । শিকারী বলে "আমি তোমায় অব্যর্থ শিকার বিচ্ছেদ শেখাব" । সেজ ছেলেটি শিকার শিখতে লেগে গেল । ছোট ছেলেটি যেতে যেতে দেখতে পেলে, রাস্তার ধারে একটা দর্জির বড় বড় হুঁট পাটকেল সেলাই কচ্ছে । ছেলেটাকে দেখেই সে বলে "তুমি কোথায় যাচ্ছ ? আমার কাছে থাকনা আমি তোমায় আশ্চর্য্য রকম দর্জির কাজ শেখাব" । ছোট ছেলেটি তার কাছেই রয়ে গেল । চার বৎসরের মধ্যেই তারা চারজনে পাকা ওস্তাদ হ'য়ে চার বিচ্ছেদ শিখে ফেলে । ততদিনে তাদের ফিরে আসবার সময় হয়ে এল । তখন বড় ছেলেটি তার ওস্তাদের কাছে সেরা বিজ্ঞের কলকায়দা সব আদায় ক'রে নিল । মেজ ছেলেটিও আসবার সময় সেই বুড়োর কাছে থেকে এক টুকরো কাঁচ নিয়ে এল, তা দিয়ে পৃথিবীর সব জিনিস দেখতে পাওয়া যায় । সেজ ছেলেটিকে সেই শিকারি একটি ভীত ধনুক দিয়ে বলে যে "তুমি যাকে লক্ষ্য করে মারবে সেই মরে যাবে ।" এই রকম ছোট ছেলেটিরও আসবার সময় দর্জিটা তাকে একটা ছুঁচ দিয়ে বলে "তুমি এই ছুঁচ দিয়ে যা সেলাই কর্বে যাবে তাই সেলাই হয়ে যাবে" । এই রকমে চার ভাই যার যার মত কাজ শিখে সেই চৌমাথার কাছে এসে

হাজির হলো। তারপর তারা খুব আনন্দে নিজের নিজের বিস্তার কথা বলতে বলতে বাড়ী ফিরে এল। তাদের বাবা যখন শুনলেন যে তারা চারজনে চার রকম বিস্তে শিখে এসেছে তিনি তাদের বিস্তে পরীক্ষা করবার জন্য এক দিন তাদের একটা গাছতলার ডেকে নিয়ে গিয়ে মেক ছেলেকে বলেন “আচ্ছা! তুমি কি রকম বিস্তে শিখেছ দেখি। মাঠের ওপারে ঐ বড় গাছটার আশায় কি আছে বল দিখিনি।” সে অমনি কাঁচ দিয়ে দেখে বলে যে একটা খাড়ী পাখী পাঁচটা ডিমের ওপর বসে তা’ দিচ্ছে। তারপর তিনি বড় ছেলেকে বলেন, “তুমি কেমন বিস্তে শিখেছ দেখি। ওই ডিমগুলোকে এখন ভাবে পেড়ে নিয়ে এস যেন খাড়ী পাখীটা না টের পায়।” বড় ছেলেটি বলবামাত্রই অমনি দৌড়ে গিয়ে ডিম পেড়ে নিয়ে এল। তখন তিনি পাঁচটি ডিমকে আলাদা আলাদা করে রেখে সেক ছেলেকে সেই ডিমগুলোকে এক বাণে দশ টুকরো কর্তে বলেন। সেক ছেলে অমনি ডিম পাঁচটিকে দশ টুকরো করে ফেলো। এই বার ছোট ছেলের পালা। তিনি ছোট ছেলেকে বলেন, “আচ্ছা! তুমি এইগুলো যেমন ছিল ঠিক তেমনি করে সেলাই কর দিখিনি।” ছোট ছেলে অমনি চটপট সব বেমালাস সেলাই করে কেলে। তিনি তখন বড় ছেলেটিকে ডিমগুলো যেমন ছিল তেমনি ভাবে রেখে আনতে বলেন। খাড়ী পাখীটা ডিমে তা দিচ্ছিল কিন্তু সে এর কিছুই টের পেলেনা। তখন বুড়োর মুখে চার ছেলের প্রশংসা আর ধরে না।

এদিকে হয়েছে কি সে দেশের রাজকন্যাকে একটা রাকস নিয়ে পালিয়ে গেছে। রাজা চারিদিকে চেরা পিড়িয়ে দিয়েছেন, যে রাজকন্যাকে উদ্ধার কর্তে পারবে সে রাজকন্যা আর অর্ধেক রাজস্ব পাবে। এই কথা শুনে চার ভাইয়ে বলে উঠল আমরা রাজকন্যাকে উদ্ধার করব। সেক ছেলেটি অমনি সেই কাঁচটা দিয়ে দেখে বলে, “সমুদ্রের ওপারে রাকসটি রাজকন্যার কোলে মাথা রেখে খুব ঘুমোচ্ছে।” তারা তখনই নৌকা ক’রে সমুদ্র পার হ’য়ে সেইখানে হাজির হ’লো; তারপর বড় ভাইটি গিয়ে আন্তে আন্তে রাজকন্যাকে নিয়ে পালিয়ে এল। কিন্তু যেই তারা নৌকায় উঠেছে, অমনি রাকসটারও ঘুম জেঙে গেছে। সে তখন আকাশ অন্ধকার ক’রে, হাতের কাপড়ের বড় বইয়ে মেথের উপর দিয়ে রাগে গোঁ গোঁ করতে করতে যেই নৌকায় লাফ দিতে বাবে অমনি সেক ভাইয়ের বাণের ঘায়ে টুকরো টুকরো হ’য়ে বশাস ক’রে জলের মধ্যে এলি জোরে পড়ল, যে পাহাড়ের মতন চেউ উঠে এক বাড়িতে নৌকাটাকে মড়মড়িয়ে ভেঙ্গে ফেলল। এখন উপায় কি? ছোট ছেলেটা চটপট ছুঁচ চালিয়ে ভাঙা নৌকা

১৯১২

ঝুড়ে কেশুল। আর সবাই মিলে সেই নৌকাতেই নদী পার হ'রে রাজকন্যাকে নিয়ে



একেবারে রাজার কাছে এসে উপস্থিত হ'ল। রাজা মশাইত মহা খুশী। রাজ্যের মধ্যে ধূমধাম পড়ে গেল। রাজা খুব টোকাকড়ি দান করতে লাগলেন। কিন্তু রাজকন্যাকে কে বিয়ে করবে এই নিয়ে একটা মহা গোলযোগ উপস্থিত হলো। চার ভায়ের সকলেই নিজের নিজের প্রশংসা কর্তে লাগল। মেজ ছেলে বলে আমি যদি না দেখতুম তা হলে সন্দান হ'ত কি ক'রে? বড় ছেলে বলে আমি যদি না জানতুম তা'হলে খবর পেয়েই বা কি লাভ হত? সেজ ছেলে বলে, "এনেছিলে ভালই, কিন্তু রাখতে কি পারতে? আমি যদি না বাঁকসটাকে মারতুম তা'হলে ত সবই মাটি হত"। ছোট ছেলে বলে, "আমি যদি না নৌকা তৈরি করতুম তা'হলে কাউকে আর ফিরে আসতে হত না। শেষ রক্ষা করলাম আমি"। রাজামশাই তখন খুব গম্ভীর ভাবে বলেন, "বাপু নকল,

আমি তোমাদের গোলমাল মিটিয়ে দিচ্ছি। তোমরা কেউ রাজকন্যাকে বিয়ে কর্তে পাবে না। অতএব আমার কথা মত আমি তোমাদের অর্ধেক রাজস্ব দিচ্ছি তোমরা নিজেদের মধ্যে ভাগ করে নাও"। চার ভাইয়ে ভাবলে, ভাই বা মন্দ কি অর্ধেক রাজস্ব বড় কম কথা নয়! তখন তাদের বড়ো বাপের আনন্দ দেখে কে?

শ্রীকণিকূষণ বসু।

ডাকঘরের কথা ।

সন্দেশের ধাঁধার উত্তরের চিঠিগুলি সে দিন দেখছিলাম। কেউ আধ মাইল দূর থেকে লিখেছে চিঠি, কেউ লিখেছে ১৫০০ মাইল দূর থেকে—কিন্তু ১ পয়সার পোস্ট কার্ডে প্রায় সকলেই লিখেছে। ১ পয়সা খরচে ১৫০০ মাইল চিঠি পাঠান, এ কি কম সস্তা হ'লো? হঠাৎ মনে হ'তে পারে অত কম মালুলে এতদূর চিঠি পাঠাতে ডাকঘরের বুঝি লোকসান হয়;—কিন্তু তারা কি ২।১ খানা চিঠি পাঠায়?—প্রতিদিন লাখে লাখে চিঠি আর পার্শেল তারা পাঠায়;—তা'তেই তাদের খরচে পুষিয়ে যায়। ডাকঘরের বন্দোবস্তই বা কি কম আশ্চর্য্য রকম! তুমি হয় তো কলকাতায় ব'সে একটা পোস্ট কার্ডে চিঠি লিখে ডাক-বাল্লের সেটাকে ফেলে দিলে। কিছুক্ষণ পরে ডাকঘরের লোক এসে ডাক-বাল্লের চাবি খুলে চিঠিগুলো ডাকঘরে নিয়ে গেল। সেখানে অনেকগুলি লোকে মিলে চিঠির উপরে ডাকঘরের ছাপ মারে, আর এক একটা খলিতে এক একটা রেল পাঠাবার চিঠিগুলি ভরে ফেলে—বেমন দার্কিজলিং মেলে, দার্কিজলিং, খরসান, জলপাইগুড়ি, রাকসাহী, কুচবেহার, এই সব জায়গার চিঠি; পাঞ্জাব মেলে, বর্ধমান, মধুপুর, পাটনা, বাঁকিপুর, এলাহাবাদ, দিল্লী, লাহোর, এই সব জায়গার চিঠি। তারপর সব ছোট ডাকঘর থেকে বড় ডাকঘরে খ'লেগুলি পাঠিয়ে দেয়। সেখান থেকে কৈশনে




রেলের ডাকঘর ।

তখন রেলের ডাকঘর থেকে সেই সেই জায়গার চিঠিগুলো নামিয়ে দেয়। তারপর

চ'লে যায়। রেলের গাড়ীর মধ্যে আবার ডাকঘরের বন্দোবস্ত আছে। সেখানে খলিগুলো খুলে, প্রত্যেক জায়গার চিঠি আলাখা ক'রে এক একটা খোপে ভরে রাখে। তারপর সব চিঠি বাছা হয়ে গেলে, এক এক জায়গার চিঠি এক একটা আলগা খলিতে ভ'রে ফেলে।

সেখানে বখন রেল পৌঁছায়

আবার ডাকঘরে সেই খলি নিয়ে গিরে, তার থেকে চিঠি বের ক'রে, বেচে, পিরন দিরে



চলন্ত রেল থেকে ডাক দেওয়া আর নেওয়া ।

বাড়ী বাড়ী পাঠিয়ে দেওয়া হয়। এক হাজার পরেও চিঠি যে ঠিকমত গিয়ে পৌঁছায়, এই আশ্চর্য—কিছু ডাকঘরের কোন লোকের দোষে হারাতে পারে। পৃথিবীর যে-কোন জায়গায় একজন লোকের ঠিকানা খুঁজে বের ক'রে তার ঠিকানায় একখানা চিঠি লিখে দাও; তারপর বাস্, তোমাকে আর ভাবতে হবে না—সেটা ঠিক সেই লোকের কাছে হাজির হবে।

সব সময়ই যে রেল ডাক যায় তা' নয়। রেল যায়, আহাজে যায়, জোট স্তিমানে যায়, নৌকায় যায়, গাড়ীতে যায়, মানুষের পিঠে যায়, কুকুরেটানা গাড়ীতে যায়—এমন কি এরোগ্রেনে ক'রে আকাশ দিয়েও যায়। এমন জায়গাও তো আছে যেখানে ডাকঘর নাই। সেখানের ঠিকানাতে চিঠি লিখলেও চিঠি ঠিকই পৌঁছায়। তবে সেখানে চিঠি যেতে কিছু দেরি লাগে। ইউরোপে যে সব সৈন্ত যুদ্ধ করছে তাদের কাছেও চিঠি যাবার উপায় আছে। সে যেখানেই থাকুক না কেন, তার নাম, আর তার সৈন্ত-দলের নাম, এইটুকু জানলেই লড়াইএর ডাকঘরওয়ালারা ঠিক তার কাছে চিঠি কিম্বা পার্শেল পৌঁছে দেবে। আমাদের দেশে অনেক জায়গায় 'রাণার'এর ডাকের বন্দোবস্ত আছে। একজন লোক কাঁবে ক'রে চিঠির খলি নিয়ে এক ডাকঘর থেকে অন্য ডাক-

যদি পৌঁছে দেয়। হাজারিবাগে আগে ঐ রকম বন্দোবস্ত ছিল। তখন অনেক 'রাণার' বাঘের মুখে পড়ে প্রাণ হারিয়েছে। অনেক সময় দুই লোকে, নির্জন রাস্তায় পেয়ে 'রাণার'কে মেরে চিঠি-পত্র খুলে টাকা-কড়ি নিয়ে চলে যায়।

প্রায় ৭০ বৎসর আগে কোন দেশে টিকিট অথবা পোস্টকার্ড ব্যবহারের নিয়ম ছিল না। তখন চিঠিপত্র পাঠাতে অভ্যস্ত বেশী খরচ হ'তো। ইংলণ্ডের সার রোল্যান্ড ছিল প্রথমে টিকিট ব্যবহারের প্রস্তাব করেন। সে সময়ে চিঠির মাণ্ডল এত বেশী ছিল, যে গরিব লোকের পক্ষে চিঠি পাওয়া বড় মুশ্কিলের কথা ছিল। যার কাছে চিঠি যাবে তাকেই মাণ্ডল দিতে হ'তো; আর অনেক সময় মাণ্ডল দিতে না পারায়, অনেক গরিব লোককে দরকারী চিঠিও ফিরত দিতে হ'তো। লণ্ডন থেকে মাত্র ৪ মাইল দূরে একটা জায়গায় একটা চিঠি পাঠাতে ১ টাকাও বেশী খরচ হ'তো! পার্লামেন্ট সভার সভ্যরা বিনা পরসায় চিঠি পাঠাতে পারতেন—চিঠির উপর তাঁর একটা নাম সই থাকলেই হ'লো। তাঁরা অনেক সময় তাঁদের বন্ধুদের চিঠির উপরও সই করে দিতেন, আর বন্ধুরা সব বিনা পরসায় চিঠি পাঠাতেন। কেবল চিঠি নয়, অনেক বড় বড় জিনিষও তারা ঐ রকম সই করে বিনা পরসায় পাঠাতেন! গরিব লোকেরই বড় মুশ্কিল হ'তো। তারা নিরুপায় হয়ে শেষে নানারকম ফাঁকি দিতে আরম্ভ করলো। একজন তার বোনকে বললো যে সে যখন তাকে চিঠি লিখবে, তার উপরের ঠিকানার পালে কতকগুলি চিহ্ন থাকবে; সেই চিহ্ন দেখে বোকা যাবে সে ভাল আছে, কি অসুস্থ হয়েছে। বোনও সেই রকম চিহ্ন দিয়ে তার ভাইকে চিঠি লিখত। চিঠির ভিতরে কিন্তু কেবল সাদা কাগজ। চিঠি যখন পৌঁছাত, তখন তার উপরের চিহ্নগুলি দেখে নিয়ে তারা চিঠিটা ফেরত দিত আর বলত, "অত মাণ্ডল দিয়ে চিঠি নেবার ক্ষমতা আমার নেই।" এই রকম আরও কত উপায়ে লোকেরা ডাক ঘরকে ঠকাতে।

রোল্যান্ড ছিল যখন টিকিট ব্যবহারের প্রস্তাব করেন তখন বিলাতের পার্লামেন্ট সভায় ভয়ানক আপত্তি হয়। কিন্তু অনেক খবরের কাগজওয়ালা তাঁর প্রস্তাবের স্বপক্ষে লেখেন আর সাধারণ লোকেও অনেক সত্কা সমিতি করে তাঁর হয়ে বলেন। রোল্যান্ড ছিল ছেলোবেলায় গরিব লোক ছিলেন; তিনি গরীবের কষ্ট ভাল করে বুঝতেন আর তাঁদের কষ্ট খাটুতেও সর্বদাই প্রস্তুত ছিলেন। তাঁর মনে ছিল, ছেলোবেলায় একদিন তাঁকে একটা চিঠির মাণ্ডল জোগাড় করার জন্য রাস্তায় রাস্তায় ঘুরে হেঁড়া কাপড় বিক্রী

কল্পতে হয়েছিল। তিনি চিঠি



স্যার রোল্যান্ড হিল ।

পাঠাবার খরচ সম্বন্ধে অনেক হিসাব করে বললেন, “চিঠি পাঠাবার খরচ অভ্যস্ত সামান্য; বেশী খরচ ডাকঘরেই হয়। আর অনেক চিঠি লোকে নেয় না বলে ডাক ঘরের বিস্তর টাকা লোকসান হয়। বড় লোকেরা তো বিনা পয়সায়ই অনেক চিঠি পাঠান। এর চেয়ে ভাল বন্দোবস্ত হয়, যদি নিয়ম করা যায় যে চিঠি পাঠাবার আগে মাপুল দিতে হবে। আর মাপুল দেওয়া হয়েছে কিনা বুঝবার জন্য চিঠির উপর একটা টিকিট লাগিয়ে দিলেই হবে। কত মাপুল দেওয়া হ’লো তা’ টিকিটেই লেখা থাকবে।” অনেক আপত্তির পর পার্লামেন্ট একবার এ উপায়টা পরীক্ষা করিতে রাজ হলেন। রোল্যান্ড হিলের উপরেই সব বন্দোবস্তের ভার পড়ল। কয়েক

বৎসর পরীক্ষা করে দেখা গেল যে এই ডাক টিকিটের বন্দোবস্ত এত সুবিধাজনক, যে এর বিরুদ্ধে আর কোন আপত্তিই টেকে না। তখন থেকে বিলাতে টিকিটের চল আরম্ভ হলো আর দেখতে এখন ডাক টিকিট। দেখতে সমস্ত পৃথিবীময় টিকিটের ব্যবহার আরম্ভ হ’লো। ডাকঘরের বন্দোবস্তও রোল্যান্ড হিলের বুদ্ধিতেই অনেকটা হয়েছে।



ছয় বীর ।

সে প্রায় ছয়শত বৎসর আগেকার কথা—সে সময়ে ইংরাজ ও ফরাসিতে প্রায়ই যুদ্ধ চলিত। দুই পক্ষেই বড় বড় বীর ছিলেন—তাঁহাদের আশ্চর্য্য বীরত্বের কাহিনী ইউরোপের দেশ বিদেশে লোকে অধিক হইয়া শুনিত।

ইংলণ্ডের রাজা তৃতীয় এডওয়ার্ড তখন খুব বড় সৈন্যদল লইয়া ফ্রান্সে যুদ্ধ করিতেছিলেন। ফ্রান্সের উত্তর দিকে সমুদ্রের উপকূলে ইংলণ্ডের খুব কাছাকাছি একটি সহর আছে, তাহার নাম ‘ক্যালিস’ (Calais)। এই সহরটির উপর বহুকাল ধরিয়া

ইংরাজদের চোখ ছিল—কারণ এইটি দখল করিতে পারিলে ফ্রান্সে যাওয়া আশার খুবই সুবিধা হয়। এডওয়ার্ড জলস্থল দুই দিক হইতে এই সহরটিকে ঘেরাও করিয়া ফেলিলেন। ক্যালের সহরে সৈন্য সামন্ত বেশী ছিল না, কিন্তু সেখানকার দুর্গ বড় জরানক। তার চারিদিক উঁচু দেয়ালে ঘেরা—সেই দেয়ালের বাহিরে প্রকাণ্ড খাল—এক একটা ফটকের সামনে এক একটি পোল—সেই পোল দুর্গের ভিতর হইতে গুটাইয়া ফেলা যায়। সে সময়ে কামান ছিল বটে—তাহার গোলাতে মানুষ মরে কিন্তু দুর্গ ভাঙে না। সুচরাং জোর করিয়া দুর্গ দখল করা বড় সহজ ছিল না। কিন্তু এডওয়ার্ড তাহার জন্ত ব্যস্ত হইলেন না—তিনি সহরের পথঘাট আটকাইয়া প্রকাণ্ড ডাবু গাড়িয়া দিনের পর দিন নিশ্চিন্তে অপেক্ষা করিতে লাগিলেন। মংলবটি এই যে, যখন দুর্গের ভিতরের খাবার সব ফুরাইয়া আসিবে আর ভিতরের লোক জন ক্রমে কাহিল হইয়া পড়বে, তখন তাহার আশা হইতেই হার মানিবে; মিছামিছি লড়াই হাজামা করিবার দরকার হইবে না।

ক্যালের লোকেরা যখন দেখিল ইংরাজেরা চারিদিক হইতে পথঘাট ঘিরিয়া ফেলিতেছে, তখন তাহার শিশু, বৃদ্ধ, অক্ষম এবং দুর্বল লোকদিগকে এবং স্ত্রীলোকদিগকে সহরে বাহিরে পাঠাইয়া দিল।

তারপর কিছুদিন ধরিয়া ইংরাজ ও করাসিতে রেহা রেহি চলিতে লাগিল। করাসিদের মংলব বাহির হইতে দুর্গের ভিতরে খাবার পৌঁছাইবে—ইংরাজের চেহা যে সেই খাবার কিছুতেই ভিতরে বাইতে দিবে না। জাগার পথে খাবার পৌঁছান একরূপ অসম্ভব ছিল—কারণ সে দিকে ইংরাজদের খুব কড়া কড়া পাহারা। সমুদ্রের দিকেও ইংরাজদের যুদ্ধজাহাজ সর্বদা ঘোরাঘুরি করিত কিন্তু অন্ধকার রাত্রে তাহাদের এড়াইয়া করাসি নাবিকেরা মাঝে মাঝে রুটি মাংস শাক সবজি প্রভৃতি সহরের মধ্যে পৌঁছাইয়া দিত। মোরৎ ও মোস্ত্রয়েল নামে দুইজন নাবিক এই কাজে আশ্চর্য সাহস ও বাহাদুরি দেখাইয়াছিল। একবার নয় দু'বার নয়, তাহার বহুদিন ধরিয়া এই রকমে সেই সহরে খাবার জোগাইয়াছিল। ইংরাজেরা তাহাদের ধরিবার জন্ত কতবার কত চেহা করিয়া ছিল, কিন্তু প্রতিবারেই তাহার ইংরাজ জাহাজগুলিকে ফাঁকি দিয়া পলাইত।

এই রকমে ছয় মাস কাটিয়া গেল, তবু দুর্গের লোকেরা দুর্গ ছাড়িয়া দিবার নাম পর্যন্ত করে না। তখন রাজা এডওয়ার্ড কিছু ব্যস্ত হইয়া পড়িলেন। তিনি আরো লোকজন আনাইয়া সমুদ্রের তীরে দুর্গ বানাইলেন, সেখানে খুব জ্বরদস্ত পাহারা

বসাইলেন, সমুদ্রের ধারে পাহাড়ের বড় বড় পাথর ছুঁড়িবার যন্ত্র বসাইলেন । নৌকার সাধ্য কি সে রিক দিয়া সহরে প্রবেশ করে । খাবার আসিবার পথ বন্ধ হইতে চলিল দুর্গের লোকদেরও তখন হইতে ক্ষুধার কষ্ট আরম্ভ হইল, তাহার দুর্বল হইয়া পড়ায় তাহাদের মধ্যে মানারকম যোগ দেখা দিতে লাগিল । তবু তাহারা মাঝে মাঝে দল বাঁধিয়া ইংরাজদের শিবির হইতে খাবার কাড়িয়া আনিতে চেষ্টা করিত, কিন্তু তাহাতে যেটুকু খাওয়া জুটিত তাহা অতি সামান্য । দুর্গের সৈন্যেরা মাসের পর মাস ক্ষুধার কষ্ট সহ করিয়াও আশ্চর্য্য ভেজের সঙ্গে দুর্গ রক্ষা করিতে লাগিল—তাহাদের এক ভরসা এই যে করাসি রাজা ফিলিপ নিশ্চয়ই নৈস্ত্র সামন্ত লইয়া তাহাদের সাহায্য করিতে আসিবেন ।

একদিন সভাসভাই দেখা গেল সহর হইতে কিছুদূরে করাসি সৈন্যদল আসিয়া ছাঞ্জির হইয়াছে । তাহাদের রক্ষিন মিশান আর মাদা তাম্বুগুলি দুর্গের লোকেরা বধন দেখিতে পাইল, তখন তাহাদের আনন্দ দেখে কে ! তাহারা ভাবিল, আমাদের এত দিনের ক্রেশ সার্থক হইল । যাহা হউক, ফিলিপ আসিয়াই ইংরাজেরা কোথায় কেমন জাবে আছে, তাহার খবর লইয়া দেখিলেন যে, এখান হইতে ইংরাজদের হঠান বড় সহজ হইবে না । ক্যালো' চুকিবার পথ মাত্র দুইটি, একটি একেবারে সমুদ্রের ধারে—সে দিকে ইংরাজের বড় বড় যুদ্ধজাহাজ চকিবশ ঘণ্টা পাহারা দেয় । আর একটি পথে পোলের উপর দিয়া নদী পার হইতে হয়—সেই পোলের উপর ইংরাজেরা রীতিমত দখল জমাইয়া বসিয়াছে । পোলের মুখে দুর্গ বসাইয়া বড় বড় খোকারা তাহার মধ্যে ভীরন্দাজ লইয়া প্রস্তুত রহিয়াছে—তাহারা প্রাণ থাকিতে কেহ পথ ছাড়িবে না । ইহা ছাড়া আর সব জলাভূমি, সেখান দিয়া সৈন্তসামন্ত পার করা এক দুর্কর ব্যাপার ।

ফিলিপ তখন ইংরাজ শিবিরে দূত পাঠাইয়া প্রস্তাব করিলেন, “আইস! তোমরা একবার খোলা ময়দানে আসিয়া আমাদের সঙ্গে যুদ্ধ কর” । এডওয়ার্ড উত্তর দিলেন, “আমি আজ বৎসর খানেক এইখানে অপেক্ষা করিয়া আছি, ইহাতে আমার খরচ পত্র বখেস্ট হইয়াছে । এতদিনে দুর্গের লোকেরা কাবু হইয়া আসিয়াছে, এখন তোমার খাতিরে আমি এমন সুযোগ চাড়িতে প্রস্তুত নই । তোমার রাত্তা তুমি খুঁজিয়া লও ।”

তিন দিন ধরিয়া দুই দলে আপোষের কথা বার্তা চলিল, কিন্তু তাহাতে কোনরূপ নীমাংসা হইল না । তখন ফিলিপ অগত্যা ঠাঁহার সৈন্যদল লইয়া আবার বিনাযুদ্ধেই ফিরিয়া গেলেন । ঠাঁহাকে ফিরিতে দেখিয়া দুর্গবাসীদের মন একেবারে জাজিরা


পড়িল। এতদিন তাহারা যে ভয়সায় সকল কষ্ট ভুলিয়া ছিল, এখন সে ভয়সাত আর
রহিল না। তখন তাহারা একেবারে নিরাশ হইয়া সন্ধির প্রস্তাব করিল।

এডওয়ার্ড বলিলেন, “সন্ধি করিতে আমি প্রস্তুত আছি, কিন্তু তোমরা আমায় বড়
ভোগাইয়াছ, আমার অনেক জাহাজ ভুবিয়াছে, টাকা ও সময় নষ্ট হইয়াছে, এক
অল্প নানারকমের ক্ষতি হইয়াছে। আমি ইহার বোল-আনা শোধ না লইয়া ছাড়িব
না। আমার সন্ধির সর্ত্ত এই,—ক্যালের দুর্গ সহর টাকা কড়ি লোকজন সমস্ত আমার
হাতে ছাড়িয়া দিতে হইবে—আমার যেমন ইচ্ছা কাঁসি, কয়েদ, জরিমানা ইত্যাদি দণ্ড
বিধান করিব এবং ইহাও জানিও যে আমি যে শাস্তি দিব তাহা বড় সামান্য হইবে না।”

ইংরাজ দূত যখন ক্যালের লোকদের এই কথা জানাইল, তাহারা এমন সর্ত্তে সন্ধি
করিতে রাজি হইল না। তাহারা বলিল, “রাজা এডওয়ার্ড স্বয়ং একজন বীরপুরুষ,
তাঁহাকে বুঝাইয়া বলুন, তিনি এমন অস্ত্রায় দাবী কখন করিবেন না।” ইংরাজদের
ধনী ও সম্ভ্রান্ত লোকেরা তখন তাহাদের পক্ষ হইয়া রাজাকে অনেক বুঝাইলেন।
ক্যালের লোকেরা কিরূপ সাহসের সহিত কত কষ্টে মছ করিয়া বীরের মত দুর্গ রক্ষা
করিয়াছে, সে সকল কথা তাঁহারা বার বার বলিলেন। এমন পত্রকে যে সম্মান করা
উচিত একথা একবাক্যে সকলে স্বীকার করিলেন। কিন্তু এডওয়ার্ডের প্রতিজ্ঞা অটল।
অনেক বলা কওয়ার পর তিনি একটু নরম হইয়া এই হুকুম দিলেন—“ক্যালের
লোকেরা যদি কমা চায় তবে তাহাদের ছয়জন প্রতিনিধি পাঠাইয়া দিউক—তাহারা
দুর্গের চাবি লইয়া, খালি পায়ে খালি মাথায় গলায় দড়ি দিয়া আমার কাছে আসুক
এবং সকলের হইয়া শাস্তি গ্রহণ করুক। তাহা হইলে আর সকলকে মাপ করিতে
পারি, কিন্তু এই ছয় জনের আর রক্ষা নাই”।

ইংরাজদূত আবার দুর্গে গিয়া এই হুকুম জানাইল। দুর্গের লোকেরা রাজার
অদেশ জানিবার অল্প ব্যগ্র হইয়া অপেক্ষা করিতে ছিল—এই হুকুম শুনিয়া তাহারা
তরু হইয়া গেল। তখন ক্যালের সম্ভ্রান্ত ধনী বৃদ্ধ সেন্ট পিয়ের বলিয়া উঠিলেন, “বন্ধু-
গণ, আমার জীবন দিয়া যদি তোমাদের বাঁচাইতে পারি, তবে ইহার চাইতে সুখের বৃত্ত্য
আমি চাহি না। আমি ছয় জনের মধ্যে প্রথম প্রতিনিধিরূপে দাঁড়াইলাম।” এই
কথায় চারিদিকে ত্রন্দনের রোল উঠিল—অনেকে সেন্ট পিয়েরের পায়ে পড়িয়া কাঁদিতে
লাগিল। দেখিতে দেখিতে আরও পাচজন লোক অগ্রসর হইয়া তাঁহার পার্শ্বে আনিয়া
দাঁড়াইল এবং বলিল, “আমরাও যুদ্ধদণ্ড শর্যস্ত গ্রহণ করিতে প্রস্তুত আছি”। এই দৃশ্য

দেখিয়া ইংরাজদূতের চক্ষে জল আসিল—তিনি বলিলেন, “রাজা এড্‌ওয়ার্ড বাহাভে ইহাদের প্রতি সদয় হ'ন, আমি সে জন্ত প্রাণপণ চেষ্টা করিব”।



ছয়জন প্রতিনিধিকে রাজার সভায় উপস্থিত করা হইল। তাঁহারা শাস্ত্রভাবে রাজার সম্মুখে হাঁটু গাড়িয়া বসিলেন, তারপর সেন্টপিয়ের বীরে বীরে বলিতে লাগিলেন, “আমাদের ক্যালেন'বাসী বন্ধুগণ এতদিন অসহ্য দুঃখ কষ্ট সহ্য করিয়া তুর্গ রক্ষা করিয়াছেন। তাঁহাদেরই অযোগ্য প্রতিনিধি আমরা আজ তাঁহাদের জীবন রক্ষার জন্ত তুর্গের চাবি আপনার কাছে দিতেছি। এখন আমরা সম্পূর্ণভাবে আপনার ইচ্ছা ও আদেশের অধীন রহিলাম।”

সভাসভ লোকে স্তম্ভিত হইয়া তাঁহাদের দিকে চাহিয়া রহিল। ছয়জনের সকলেই বয়সে বৃদ্ধ; বহুদিন অনাহারে তাঁহাদের শরীর শুকাইয়া গিয়াছে, তাঁহাদের গভীর প্রশান্ত মুখে কষ্টের রেখা পড়িয়াছে,

এক একজন এক দুর্বল বে চলিতে পা কাঁপে অথচ তাঁহাদের মন এখনও ভেঙ্গে পরিপূর্ণ। তাঁহাদের দেখিয়া ইংরাজ যোদ্ধাগণের মনে আশ্চর্য উদয় হইল। সকলেই বলিতে লাগিল, “ইহাদের উপর শাস্তি দিয়া প্রতিশোধ লওয়া কখনই উচিত নয়”। বিনি দূত হইয়া পিয়াছিলেন তিনি বলিলেন, “ইহাদের শাস্তি দিলে রাজা এড্‌ওয়ার্ডের কলঙ্ক হইবে—ইংরাজ জাতির কলঙ্ক হইবে”। কিন্তু এড্‌ওয়ার্ডের মন গলিল না—তিনি জম্মাদ ডাকিতে হুকুম দিলেন। তখন ইংলণ্ডের রাণী ফিলিপা বন্দীদের মধ্যে কাঁদিয়া

পড়িলেন এবং দুই হাত তুলিয়া ভগবান বীশ্বর মোহাই দিয়া এডওয়ার্ডকে বলিলেন,
“ইহাদের তুমি চাড়িয়া দাও” । তখন এডওয়ার্ড আর “না” বলিতে পারিলেন না ।

তয় বীরকে মুক্তি দিয়া রাণী তাহাদিগকে তাঁহার নিজের বাড়ীতে লইয়া পরিতোষ-
পূর্বক ভোজন করাইলেন এবং নানা উপহার দিয়া বিদায় দিলেন । ইহাদের বীরত্বের
কথা করালিরা আশুও ভোলেন নাই—ইংরাজও তাহা শ্রবণ করিয়া রাখিয়াছেন ।


সাবধান !



আরে আরে গুঁকি কর প্যালারাম বিশ্বাস !
কোঁস কোঁস অত জোরে ফেলনাক নিশাস ।
জাননাকি সে বছর ওপাড়ার ভূতোমাখ
নিশেষ নিতে গিরে হয়েছিল কুপোকাত ৷

হাঁপ ছাড় হাঁসফাঁস ও রকম হাঁ করে ।
 মুখে যদি ঢুকে বসে পোকা মাছি মাঝে ?
 বিপিনের খুঁড়ে হয় বুড়ো সেই হল' রায়
 মাতি খেয়ে পাঁচমাস ভুপেছিল কলেরায় ।
 ভাই বলি, সাবধান ! ক'রোনাক ধূপধাপ
 টিপিটিপি পায় পায় চলে বাও চূপচাপ ।
 চেয়েনাক আগে পিছে যেওনাক ডাইনে
 সাবধানে বাঁচে লোক,—এই লেখে আইনে ।
 পড়েছত কথামালা—কে যেন সে কি ক'রে
 পথে যেতে পড়েগেল পাতকো'র ভিতরে ?
 ভাল কথা,—আর যেন ঘোষেদের পুকুরে
 নেয়েনাক কোন দিন সকালে কি ছুপুরে ।
 দেখনা পাঁড়েজি সেথা স্নান করে নিত্য
 শুবুত সারে না তার বায়ু কফ পিত্ত ।
 এরকম মোটা দেখে কি যে হবে কোন দিন
 কথাটাকে ভেবে দেখ, কি রকম সন্ন্যাসী !
 চটো কেন ? হয় নয় কেবা জানে পক্ষ
 যদি কিছু হ'রে পড়ে পাবে শেষে কষ্ট ।
 তারি তুমি পণ্ডিত সব কর তুচ্ছ
 মহামহোপাধ্যায় পঞ্জিয়েছ পুচ্ছ ।
 মিছি মিছি ব্যান্ ব্যান্ কর শুধু তক
 লিখেছ জ্যাঠামি খালি ইঁচড়েতে পক ।
 মান্নবে না কোন কথা চলাকেরা আহারে
 একদিন টের পাবে ঠেলা কয় কাহারে ।
 রমেশের মেঝামামা সেও ছিল সেয়না
 যত বলি ভাল কথা কানে কিছু নেয়না—
 শেষকালে একদিন চাঙ্গির বাজারে
 প'ড়ে গেল গাড়ীচাপা রাস্তার মাঝারে ।

গত মাসের ধাঁধার উত্তর—



চারটি টুকরা এইরূপে সাজালেই ৬৪ বছর জায়গায় ৬৫ বর মনে হইবে। (৬৫ বর মনে হয় বটে, কিন্তু মাকে খুব সরু লাইনের মত একটা ফাঁক থাকে। সেই ফাঁকটুকুই একটি বছর সমান।)

নূতন ধাঁধা।

- ১। আছে এক জানোয়ার—চেহারা দেখনি তার ?—
একটারে ল্যাক কেটে দেখি সে হ'য়েছে চার।
- ২। দুইটি আকার দেখি তবুও সে নিরাকার
দেখেও দেখিনে তারে চলে ফিরে বারেবার ;
আবার সাকার হ'লে কত স্বাদ পাই রে
টপাটপ মুখে ফেলি মজা ক'রে খাই রে।
- ৩। আমি বলি 'ঠ্যাং খাও' এই মোর পরিচয়,
সাহসে আপনা মেলি উঠেছি আকাশ ঠেলি
তোমাদেরি ঘরে ঘরে প্রীত্বেরে করি জয়।



বাজার বন্ধ।

শিবিরে বৃষ্টি হলে পঞ্চাশের দিকের দিন "সকল স্থানের মা" স্থানীয় পোল্টারি মেসার্সের পরিবারের কোলেক্টর:
চিরকালের থাকবে না, পুরো রাস্তায় উৎসর্গ বৃষ্টি করে "

"বাজার বন্ধ" পরে দেখ।



চতুর্থ বর্ষ

পৌষ, ১৩২৩

নবম সংখ্যা

প্রভাতে ।

মধুর প্রভাতে	পৃথিবী সাজাতে
বনে ফুটে কত ফুল,	
লইবাতে মধু	আলিয়াছে শুধু—
পিপাসিত অলিকুল ।	
গিরি হতে নামি	যে সাগরগামী
চলেছে সাগর পানে,	
সকলের চিত	করে আনন্দিত
প্রভাতের কল গানে ।	
ঘুম ভাঙা জাঁধি	ভালে বসে পাখী
কি কুহুইট গান গায়,	
সোণার বরণ	রবির কিরণ
পড়েছে তাহার গায় ।	
কচি শিশুগুলি,	শিখে দিই বুলি
বলিয়া মারের কোলে,	
ভাই ভাই ভাই	মামা বালা দাই—
বলে মার ভালে ভালে ।	

উবার বাডালে সবে হুখে ভালে
 গাহে শুধু হুখ গান,
 সেই গান শুনে অলসের মনে
 আসিল নূতন প্রাণ ।

ঐনতীপচন্দ্র মনোপাখ্যায় ।

নিরৈট গুরুর কাহিনী ।

ঘোড়ায় চড়ে বাড়ী যাওয়ার গল্প ।

সেই লোকটা গুরুর শিষ্য সকলকেই আপনার গাঁয়ের বাড়ীতে লইয়া গেল । সে বিশেষ বড়লোক না হইলেও তাহার দান করা অভ্যাস ছিল, কাজেই সে অতিথিদের খুব ভাল করিয়াই খাওয়াইল,—নই, বি, দুখ কিছুই কমতি হইল না । খাওয়া দাওয়া শেষ করিয়া তাহার মনের আনন্দে পান সুপারী চিবাইতে লাগিল ।

তারপর দিন সেই ঘোড়াটাও আসিয়া পৌঁছিল এবং তাহার মালিক তাহাকে গুরুরদীকে দান করিল । ঘোড়াটা বৃড়ে ত বটেই, তার উপর আবার তাহার এক চৌখ কানা, একটা কান কাটা এবং একটি পা ধোঁড়া । এমন গুণের ঘোড়া, গুরুর মহাশয়কে খুবই মানাইয়া ছিল, কারণ তাঁহার চেহারাও কতকটা ঐ গোছেরই ছিল । কিন্তু অমন ঘোড়া পাইয়াই গুরুর আর তাঁহার চেলারা খুব খুসী হইয়া উঠিল ; একে ঘোড়া পাওয়া গেল, তাও বিনা পয়সার । আনন্দে তাহার ঘোড়াটার চারিধার ঘিরিয়া দাঁড়াইয়া লাক-লাকি আরম্ভ করিয়া দিল । কেউ তাহার পা চাপড়ায়, কেউ তাহার পা ধরিয় তাানে, কেউ বা তাহার লেজ ধরিয় কোলে !

অনেক খোঁজাখুঁজির পর একটা হেঁড়া, পোকায় কাটা ঘোড়ার লাজ পাওয়া গেল, কিন্তু তার অনেক আয়গা একেবারেই উড়িয়া গিয়াছে । কিন্তু চেলারা হারিবার পাত্র নয়, বা বা ছিলনা সবই তাহার অদ্ভুত উপায়ে জোগাড় করিয়া নিল । লাগামটা পাওয়া যাইতে ছিলনা, একজন চেলা মাঠ হইতে এক বোকা ঘাস ছিঁড়িয়া আনিল, এবং সেইগুলি বড়ি পাকাইয়া চমৎকার লাগাম তৈরী হইয়া গেল । আর যা কিছু বাকী ছিল, তাহা আঁকাট গাঁয়ের দোকান হইতে কিনিয়া আনিল ।

তারপর শুভমুহুর্ত্তে দিনকণ দেখিয়া তাহার বাহির হইল । তাহাদের বাইবার সময় খুবই খটা হইল, সমস্ত গাঁয়ের লোক চৌচামেচি করিয়া বাহির হইয়া আসিল, কাজেই

গোলমালখানা কিছু কম হইল না । গুরুর আগে আগে ঘোড়ার চড়িয়া চলিলেন, পিছনে তাঁহার চেলারা জিনিষপত্র ঘাড়ে করিয়া চলিল । কিন্তু আবার এক মুন্সিল হইল, ঘোড়াটা কিছুতেই চলিতে চায় না । পাঁচ চেলায় মিলিয়া তাহাকে চালাইবার চেষ্টা করিতে লাগিল । একজন তাঁহার লাগাম ধরিয়া সামনের দিকে টানিতে লাগিল, আর একজন পিছনে দাঁড়াইয়া ধাক্কা মারিতে লাগিল, দুইজন দুইপাশে দাঁড়াইয়া গুরুর দুই পা ধরিয়া তাঁহাকে সামলাইয়া রাখিল, আর বাকীজন আগে আগে চীৎকার করিয়া চলিল “সাবধান, সাবধান, সরে বাও, সরে বাও” ।



এইরকম করিয়া খানিক পথ তাহার বৈশিষ্ট্যই চলিল, এবং গাঁয়ের পথ ছাড়াইয়া, বড় রাস্তায় আসিয়া পড়িল । বড়রাস্তায় দাঁড়াইয়া একজন লোক মাসুল আদায় করিত, সে অত বড় একদল দেখিয়া তাড়াতাড়ি ছুটীয়া আসিল, আসিয়াই ঘোড়াটার অল্প পাঁচ পয়সা মাসুল চাহিয়া বলিল । চেলারা রাগিয়া আগুন । তাহার চীৎকার করিয়া বলিল, “গুরুরাশায় চড়ে যাচ্ছেন, এই ঘোড়ার মাসুল পাঁচ পয়সা ?

আমরা কি ঘোড়াটাকে বেচতে নিরে যাচ্ছি না কিনেছি বে, তুমি মাশুল চাচ্ছ ? এটা একজন লোক ঠেকে চড়বার জন্ত দিয়েছে ।” সে লোকটাও পরস্য না নিয়া ছাড়িবেনা, চেলারাও পরস্য দিবেনা, দুই পক্ষ কগড়া করিতে করিতে দুপুর হইয়া গেল । শেষে হাল ছাড়িয়া দিয়া ট্যাক হইতে পাঁচ পরস্য বাহির করিয়া, ঘোড়াটাকে মাশুলওয়ালার হাত হইতে উদ্ধার করিল । ঘোড়াটা না থাকিলে আর এই পাঁচ পরস্য খরচ করিতে হইত না এই ভাবিয়া গুরুর দুঃখের সামা রহিল না ।

পথে চলিতে চলিতে তাহারা খুবই ক্লান্ত হইয়া পড়িয়াছিল, কাছেই একটা সরাই দেখিয়া, একটু বিশ্রাম করিবার জন্ত সেইখানে গিয়া উঠিল । গুরু ঘরে চুকিয়াই দেখিলেন যে একজন লোক বলিয়া রহিয়াছে । তিনি তৎক্ষণাৎ তাহার কাছে নিজের দুঃখের কথা বলিতে আরম্ভ করিলেন, “দেখুন ভ মশায়, আমি কয়ে অবধি কখনও ঘোড়ার চড়িনি, আজ এই প্রথমবার চড়লাম, আর আজই কিনা আমার উপর এমন অভ্যচার ! সে যে আমার কাছ থেকে অন্তায় করে পরস্য নিল, এতে কি তার ভাল হবে ? আমার বুক ফাটিয়ে যে পরস্য নিয়েছে সে পরস্য আগুন হয়ে তার হাত পুড়িয়ে দেবে” ! লোকটি বলিল, “আর মশায় দুঃখ করে কি করবেন ? এই হচ্ছে আজকালকার নিয়ম । এখন টাকাই গুরু, টাকাই দেবতা ; কথায় বলে, ‘টাকার নাম করলে মরা মানুষও হাঁ করে’ । টাকা ছাড়া এখন আর কেউ কিছু বোঝে না ।” গুরু বলিলেন, “এ কথা ঠিক, টাকা যদি গোবরের মধ্যেও থাকে তা হলেও লোকে সেটা চেটে চেটে বার করবে ।”

আজকালকার লোকদের টাকার লোভ সম্বন্ধে গল্প করিতে করিতে দুপুর কাটিয়া গেল, বিকাল বেলায় আবার গুরু ঘোড়ায় চড়িয়া বাহির হইলেন এবং রাত্রি হইলে পর একটি গাঁয়ে আসিয়া পৌঁছিলেন । চেলারা জাবিল, “ঘোড়াটাকে বেঁধে রেখে কি হবে, বরং ছেড়ে দিলে বেশ সারারাত চরে যাবে” । এই ভাবিয়া তাহারা সেটাকে ছাড়িয়া দিয়া ঘুসাইতে গেল । সকালে উঠিয়া ঘোড়াটাকে আনিতে গিয়া, তাহাকে কিছুতেই খুঁজিয়া পাইল না । অনেক খোঁজাখুঁজি গোলমালের পর জানা গেল যে একজন চাষা সেটাকে ধরিয়া বাঁধিয়া রাখিয়াছে । সুনিয়াই ত সকলে দলবলে সেখানে গিয়া হাজির হইল এবং চাষাকে তাহাদের ঘোড়া ছাড়িয়া দিতে বলিল । সে ত দাঁত মুখ বিঁচাইয়া বলিল, “তা আর নয় ? সারা রাত ধরে তোমাদের ঘোড়া আমার কসল খেয়েছে, আর আমি এখন তাকে ছেড়ে দি । আমার জিনিবের দাম দেবে কে” ? মহা গোলমাল

লাগিয়া গেল ; গাঁয়ের মোড়ল ছুটিয়া আসিয়া চাখাকে অনেক বুঝাইবার চেষ্টা করিতে লাগিলেন । সে বুঝিবার পাত্রই নয় ! কেবলি মাথা নাড়ে আর বলে, “আমার জিনিবের নাম লাও, আমি ঘোড়া ছেড়ে দিচ্ছি, তা না হলে কে ঘোড়া নেয়, আমি দেবব” ! ক্রমে ক্রমে গাঁয়ের সব লোক আসিয়া জড় হইল এবং অনেক বকাবকির পর ঠিক হইল যে ঘোড়াটি প্রায় দুই তিন টাকা জিনিব খাইয়াছে আর নষ্ট করিয়াছে, সুতরাং চাখাকে তিন টাকাই দেওয়া উচিত, তবে গুরু মশায় ত্রাঙ্কণ পণ্ডিত মানুষ, আর এ গাঁয়ে অভিবির মত আসিয়াছেন, অতএব এক টাকা দিলেই তাঁহারা ঘোড়া ফিরিয়া পাইবেন । চাখাও এক টাকা লইয়া ঘোড়াটাকে ছাড়িয়া দিল ।

ঘোড়াও পাওয়া গেল, কিন্তু এক টাকা খরচ হওয়াতে গুরু খুবই কাতর হইয়া পড়িলেন ; তিনি কেবলই বলিতে লাগিলেন, “এ ঘোড়াটা পেয়ে আমার কি লাভ হল ? এটাকে নেওয়ার পর থেকে আমার যে কত টাকা গেল আর কত দুঃখ লাগুনাই লইতে হল, তার আর লেখা জোখা নেই । এ সব আর আমার বয়সে পোষায় না” । এই বলিয়া তিনি ঘোড়া হইতে নামিয়া পড়িলেন । চেলারা যদিও তাঁহাকে অনেক করিয়া ঘোড়ায় উঠিতে বলিল, তিনি কাহারও কথা না শুনিয়া হাঁটিয়াই চলিলেন । ব্যাপার দেখিয়া চেলারা এবং গাঁয়ের লোকেরা এক ছোট হইয়া চীৎকার করিতে লাগিল, “আরে মশাই করেন কি, করেন কি ? আপনার বয়সে কি হেঁটে বাওয়া চলে, না সেটা ভাল দেখায়” ? গোলমাল শুনিয়া একজন জগু দৈবজ্ঞ সেখানে আসিয়া হাজির হইল । সে সব দেখিয়া শুনিয়া বলিল, “মশায় আপনি দুঃখ করবেন না । নিশ্চয়ই ঘোড়াটার ভিতর অনেক পাপ আছে, তাই এ সব কাণ্ড হচ্ছে । তা, আপনারা যদি আমাকে আট নয় আনা পরসাদা দেন, তা’হলে আমি গুর সব পাপ খণ্ডিয়ে দিই” । গুরু আর চেলারা পরামর্শ করিয়া দেখিল যে খরচের ভাবনা করিতে গেলে কাজ চলে না ; তখন তাহারা লোকটার হাতে পরসাদা দিয়া তাহাকে পাপ দূর করিয়া দিতে বলিল ।

লোকটা তখন তাহাদের ঠকাইবার জন্য অনেক রকম বুদ্ধিবলী আরম্ভ করিল । সে নানা রকম স্তরে যা-তা বলিয়া চীৎকার করিতে করিতে, বাস ছিঁড়িয়া ঘোড়াটার মায়ে কেঁলিতে লাগিল, এবং উহার চার পাশে অনেকবার ভিগ্বাজী খাইল । শেষে ঘোড়াটাকে আচ্ছা করিয়া চাপড়াইয়া তাহার কাণ ধরিয়া বলিল, “এই কাণের ভিতরই গুর সব পাপ আছে । ইঃ এ ঘোড়াটার দেখছি আপে ভয়ানক পাপ ছিল, একটা কাণ কেটে তবু খানিক কমছে, এইটা কেটে দিলে একেবারে সব ঠিক হয়ে যাবে” । এই

বলিয়া সে একখানা কাস্তে আনিয়া একটানে ঘোড়ার কাণটা কাটিয়া ফেলিল, এবং তৎক্ষণাৎ সেটা দূরে ছুঁড়িয়া ফেলিয়া দিল, পাছে পাপ কাণ হইতে বাহির হইয়া আর কাহারও গায়ে লাগিয়া যায়। পাপ দূর করা দেখিতে অনেক লোক আনিয়া জুটিয়াছিল, কিন্তু পাপ দূর হইবামাত্র ঘোড়াটা চার পা তুলিয়া এমন এক লাফ দিল যে সকলে সেখান হইতে বে ছুট! তারপর সকলে মিলিয়া একটা খুব গভীর পর্ন্ত খুঁড়িয়া, কাণটাকে পুঁতিয়া ফেলিল। এই সব কাজেই মিনটা কাটিয়া গেল, কাজেই সে দিন আর তাহাদের যাওয়া হইল না। তার পর দিন বাহির হইয়া, অনেক কষ্ট ভুগিয়া তাহার আগনাদের মঠে আনিয়া পৌঁছিল।

“ হাইদর । ”

গতবারে তোমাদের “কালো”র কথা বলেছি। “কালো”, গোরা দেশের জীব হয়েও, দেশের নাম রক্ষা করতে পারেনি, সে ‘মিশির’ মত, “অমাবস্তা মিশির” মত আর “গদাধরের পিসির” মত কালো; আর “হাইদার”, কালো আনিয়ার আরব দেশের জীব হয়েও বর্ণগৌরবে পোরার সমকক্ষ, সে একেবারে ত্রুধের মত সাদা, ষাড়ের চুল গুলি পর্য্যন্ত কালো নয়, ফিকে হলদে রেশমের মত। সে চুল ইংরাজী রূপসী পেলে গৌরব বোধ করতেন। হাইদরের সঙ্গে আমার পরিচয়ের দীর্ঘ অবসর হয়নি, তবু তার প্রভুর কাছে বা শুনেছিলাম আর নিজে বা দেখেছিলাম জ্যই তোমাদের জানাব।

মধ্য প্রদেশের একজন কয়দ, প্রায়-স্বাধীন রাজা তার রূপের খ্যাতি আর গুণের প্রশংসা শুনে তাকে বোম্বাই হতে বহুযু্যে ক্রয় করে এনেছিলেন। তখন তার বয়স হবে চার বৎসর; সেটা ঘোড়ার পক্ষে কিশোর বয়স। রাজার ঘরে এসেও হাইদরের অদৃষ্টে সুখ লেখা ছিলনা, তার কপালের মাঝটিতে আর চার পায়ে গোড়ালিতে চারটি কালো ছাপ ছিল, এতে তাকে দেখতে আরো সুন্দর করেছিল, কিন্তু হলে কি হয়, ঘোড়ার পক্ষে নাকি এমন পঞ্চ তিলক ধারণ সুলক্ষণ নয়। যার এমন থাকে সে ‘রাক্ষসগর্ভে’র মত নিকটবস্তুর প্রাণ হানি করে। ঘোড়া এল, রাজকুমার উৎসাহ করে তাকে অস্তর্ধনা করতে গেলেন, সঙ্গে তাঁর শাস্ত্রবিৎ পণ্ডিতও ছিল; রাজকুমার সুন্দর সুন্দরন অশ্বটিকে দেখে একেবারে মুগ্ধ হলেন, তাকে যে কি আদরে রাখবেন ভেবেই

পেলেন না। পশ্চিমবঙ্গী কিন্তু অশ্বের কৃক ভিলকগুলি দেখে শঙ্কিত হয়ে পড়লেন, বলেন এ অশ্বকে কখনই অশ্বশালে স্থান দেওয়া হতে পারে না। এ একেবারে মূর্ত্তিমান কৃতাশ্ব—যে গৃহে প্রবেশ করবে তাকে শাশানে পরিণত করে তবে ছাড়বে। রাজকুমার আধুনিক শিক্ষা প্রাপ্ত, তিনি বলেন “এসব বাজে কথা,—ঘোড়া আমার রাজপুরীর শোভা বর্ধন ছাড়া, কোন হানি করতেই পারে না, আমি একে কিছুতেই ছাড়ছি নে।” কিন্তু তাঁর জিদ বজায় রইল না, রাজমাতা যখন হাইদরের কুলক্ষণের কথা শুনলেন, তখন তাকে রাজপুরীর ত্রিসীমানার মধ্যে রাখা নিষেধ হয়ে গেল। পশ্চিমের শাস্ত্র-বচন লঙ্ঘন করতে কুমারের বিধা মাত্র হয়নি, কিন্তু মাতৃ আজ্ঞা অবজ্ঞা করবার মত অসৌজন্য তাঁর স্বভাবে ছিল না কাজেই হাইদর নির্বাসিত হয়ে পল্লীর বহুদূরে একটি ভগ্নপ্রায় কুটারে আশ্রয় লাভ করলে। দিনান্তে অপরিপাক্য আহার অবশ্যে অপরিষ্কৃত স্থানে তাঁর দিন যাপন হ’তে লাগল, পূর্বের স্বাস্থ্য এবং সৌন্দর্য্য ক্রমে হ্রাস হয়ে এল।

এই সময়ে রাজ পরিবারে বড় একটি মামলা বহুদিন হতে চলছিল,— রেলওয়ে কোম্পানীর সঙ্গে জমি নিয়ে বিবাদ; তখন মধ্য প্রদেশে নতুন রেলের লাইন নির্মাণ হচ্ছিল। রেলওয়ে কোম্পানীর সঙ্গে ঝগড়া মানে প্রকৃত পক্ষে সরকার বাহাদুরের সঙ্গেই ঝগড়া, সবাই ভীত ভটস্ব, মীমাংসা কিছুতেই হচ্ছিল না। তাই যখন যখন রাজকুমারের পাগড়ী ভাই আর রাজমাতার স্নেহ পাত্র নতুন উকীল “বাবু সাহেব” তর্ক, যুক্তি, ও আইনের প্রমাণ প্রয়োগে এ মামলা তাঁদের জিতিয়ে দিলেন তখন রাজপুরী উৎসবময় হয়ে উঠল। উকীল বাবুসাহেব ভালরকম ‘বী’তে পেলেনই, তার উপর পুরস্কারের ব্যবস্থাও হল; মহারাণী নিজে তাঁর দুই হাতে সোণার বালা পরিয়ে দিলেন, আর বাবু সাহেব আরো ষা চাইবেন তাই দেবেন বলে প্রতিশ্রুত হলেন। এই বাবু সাহেবটি ঘোড়া বড় ভালবাসতেন, তিনি হাইদারের কাছিনী শুনেছিলেন, আর স্বচক্ষে তার ছুরবস্থা দেখে অবধি তাকে উদ্ধার করে নিয়ে ধাবার জন্ত তাঁর মন ব্যাকুল হয়েছিল। তাই মহারাণী পুরস্কারের কথা বলবামাত্র তিনি ঘোড়াটিকে চেয়ে বসলেন। এ কুলক্ষণ ঘোড়া রাজ্য হতে বিদায় করতে পারলে মহারাণী নিশ্চিন্ত হতে পারতেন সত্য, কিন্তু এই বাবু সাহেবকে তিনি যথার্থ স্নেহ করতেন, নিজ পুত্রের অনিষ্টাশঙ্কায় যে জন্তটিকে দূর করে দিয়েছিলেন, তাকেই আবার অশ্বরের সম্মানকে দেন কি করে, বিশেষ যখন তাঁর আত্মীয় বন্ধু কেউ

কাছে নাই। তবে বাবু সাহেবের ভোটাভাড়ার পাত্র নন, মহারানীও বাঁকা তরু করতে পারেন না, তাই বখালাস্ববিধি শাস্তি স্বস্তায়ন করে হাইদরকে বিদায় করলেন। “বাবু সাহেব” ঘোড়াটিকে বাড়ী এনে বিশেষ তত্ত্বির করে আবার সুস্থ সবল করে তুল্লেন। তখন এই অবোলা জীব আর বুদ্ধিজীবী মানুষটির আজীবন বন্ধুত্বের সূচনা হ’ল। হাইদরের বয়স অল্প হ’লেও সে তুম্বু কিস্বা ত্বরন্ত ছিল না—জাল ঘোড়ার সমস্ত সঙ্গুপই তার ছিল, সে তেজী অশচ শাস্ত; পরিভ্রমী এবং প্রভুতন্ত। প্রতিদিন সকালে প্রভুকে পিঠে চড়িয়ে নিয়ে কত দূরে দূরে হাওয়া খাইয়ে আনত—প্রভুর ইঞ্জিত মাত্র সে প্রশস্ত খাল, সমুচ্চ বেড়া অনায়াসে লাক দিছে পার হয়ে যেত। একবার এই সময়ে ঘোড়ার অত্যধিক বেগ সন্ত করতে না পেরে তার প্রভু পড়ে গিয়ে বিশেষ আঘাত পান, যতক্ষণ পর্যন্ত সাহায্য এসে না পৌঁচেছিল, ততক্ষণ হায়দর সেখান হতে এক পাও নড়েনি; স্থির হয়ে তাঁকে পাহারা দিছে দাঁড়িয়ে ছিল। মধ্যদেশে ঘোড়দৌড় খেলায় সে প্রতিবারেই জিতে আসত, কিন্তু আপন প্রভু চাড়া আর কাউকে সে সওয়ারি হ’তে দিত না।

একবার ‘হাইদরের’ প্রভু পীড়িত হ’ন, চিকিৎসকেরা বলেন সমুজ্ঞ-পথে বায়ু পরিবর্তন করে না এলে তাঁর জীবন রক্ষা হওয়া কঠিন। তিনি একা মানুষ; বহু দীর্ঘ সময়ের জন্ত স্বর তুরার অপরের হাতে দিয়ে চলে যেতে হবে, তাই ঘোড়াগুলিকে আপনার একজন ইংরাজ বন্ধুকে বিক্রয় করবেন বলে স্থির করলেন। ‘হায়দর’কে পাবার জন্তে সে বন্ধুরও আগ্রহ খুব ছিল, নামের জন্তে আটকাল না, দুর্শূল্য হলেও হাইদরকে তিনি কিনলেন। ঘোড়া ঘাবার আগেই সাহেব টাকা পাঠিয়ে দিলেন। হাইদরের প্রভুর বিদেশ যাত্রার সব ঠিক হ’ল; যে রাত্রে রওয়ানা হবেন, সেই দুপুরে হাইদরকে পাঠিয়ে দেবেন স্থির ছিল। হাইদরের প্রভু বারন্দায় একটা ক্যাম্প খাটে শুয়েছিলেন, সাহেবের লোক ঘোড়া নিতে এসেছে শুনে, তিনি বলেন নিয়ে ঘাবার আগে হাইদরকে যেন একবার তাকে দেখিয়ে নিয়ে যায়। নাম খরে ডাকবামাত্র সে ছুটার খাপ সিঁড়ি উঠে প্রভুর বিছানার পাশে এসে দাঁড়াল, তার মুখে গলায় হাত বুলিয়ে দেবা মাত্র সে একবার কান্তর স্বরে টেঁচিয়ে উঠল, তার চোখ দিয়ে জল পড়তে লাগল, সে যেন বলে উঠল, “আমার কি দোষে বিদায় করে দিচ্ছ, আমি তোমায় চেড়ে থাকতে পারব না”। তার প্রভুর চোখ জলে ভরে এল—তিনি চিঠি লিখে বন্ধুকে টাকা কিরিয়ে দিলেন, হাইদরকে আর বিক্রী করা হ’ল না।

আমি যখন তাকে দেখি তখন তার বৌবন কাল অতীত হয়ে দিয়েছিল, তবুও সে তেমনি তেজস্বী আর সুন্দর ছিল। তার মত ঘাড় বাঁকিয়ে ধরাকে সরাসরি জ্ঞান করে নাচতে নাচতে কোন ঘোড়া যেতে পারত না। এই ঘোড়া আর তার সওয়ারকে দেবতার জন্ত প্রতিনিয়ত পথে জনতা হ'ত। প্রথম যে দিন আমি তার প্রভুর সঙ্গে তাকে আনতাবলে দেখতে গেলাম, সেদিন সে আমার সঙ্গে শিক্কাচার করা দূরে থাকুক, আমাকে খাতিরই আনলে না। তার প্রভুর স্নেহের আবার একজন অংশীদার জুটেছে এটা তার আদর্শেই ভাল লাগেনি। আমার সেওয়া রুটি, চিনি কিছুট কিছুই সে মুখেই নিত না, এমনি ভাব করতো যেন আমাকে সে দেখতেই পায়নি। কিন্তু ক্রমে তার সঙ্গে আমার ভাব হয়ে গিয়েছিল, তার প্রভু সওয়ারি হতে কিরে এলে আমি প্রতিদিন তাকে মিষ্টির খাওয়াতাম। মিষ্টির মোস্ত কয়জন এড়াতে পার বল দেখি! এরি জন্তে পরে সে আমার ডাকে সিঁড়ি দিয়ে উঠে বৈঠকখানা ঘরের মধ্যে আসত, আমি মিষ্টি হাতে করে যুরে বেড়াভাম সেও আমার পিছে পিছে যুরত। আশ্চর্য্য এই, একটি দিনও সে কোন জিনিস উষ্টে ফেলেনি, কিন্দা আমার কোন আঘাত দেয়নি। মিষ্টির খাওয়া হলে তাকে বলতাম, “যা হাইদার চলে যা, আর পাবিনে, লোকী হ'লে মার খাবি”; আর অগ্নি সে আন্তে আন্তে সিঁড়ি দিয়ে নেমে আপন সহিসের কাছে চলে যেত, যাবার সময় কিরে কিরে আমার দিকে চাইত, আর মুখ বাড়াত; তাবখানা “আমায় আর একটু আদর করো—কাল আবার খেতে পাবত?” কথা কইতে পারত না সত্যি, কিন্তু চোখ দিয়ে সে অনেকই বলত।

ঐপ্রিয়বধা দেবী।

মহাদেব ও হনুমান ।

রাবণকে সবংশে বধ করিয়া রামচন্দ্র সীতাকে উদ্ধার করিলে পর অযোধ্যার কিরিন্দা আসিয়া তিনি রাজা হইলেন। রাবণ ছিল বিক্রবা মূনির পুত্র—সুতরাং ব্রাহ্মণ। তাহাকে বধ করিয়া রামের ব্রহ্মহত্যা পাপ হইল এবং এই পাপ নষ্ট করিবার জন্ত মহামুনি অগস্ত্য তাঁহাকে অশ্বমেধ যজ্ঞ করিবার উপদেশ দিলেন।

ইহুের উদ্দেশ্যে রাবণ মত সুন্দর সাদা ধপধপে একটি অশ্বের কপালে বজ্রকর্তার নাম এবং তাঁহার বলের পরিচয় দিয়া পত্র লিখিয়া তাহাকে ছাড়িয়া দিতে হয়। বড়

বড় বোঝারা সৈন্য সামন্ত লইয়া এই যজ্ঞের অশ্ব বেখানে যাইবে তাহার পশ্চাৎ সেইখানে যাইবে। যদি কেহ বলপূর্বক অশ্বটিকে বাধিয়া রাখে তবে যুদ্ধ করিয়া তাহাকে উদ্ধার করিতে হইবে। এইরূপ সমস্ত রাজাদিগকে বশীভূত করিয়া অশ্ব ফিরিয়া আসিলে সেই অশ্বদ্বারা অশ্বমেধ যজ্ঞ করিতে হয়। রাম এই অশ্বমেধ যজ্ঞ আরম্ভ করিলেন।

মহাবীর শত্রুঘ্ন, ও ভরতের পুত্র পুঙ্কল, হনুমান, সুগ্ৰীব ও অঙ্গদের সহিত কোটি অক্ষৌহিনী সৈন্য সঙ্গে লইয়া অশ্বকে রক্ষা করিবার জন্ত প্রস্তুত হইলেন। মহামুনি বশিষ্ঠ সুসজ্জিত যজ্ঞাশ্বের রূপে রামচন্দ্রের নাম এবং তাঁহার বলের পরিচয় দিয়া পত্র লিখিয়া তাহাকে ছাড়িয়া দিলেন। রাম রাজার দেশ পার হইয়া অশ্ব চলিল। কেহ বা কেবল রামের নাম শুনিয়াই বিনাযুদ্ধে বশ্যতা স্বীকার করিলেন। অনেক তেজস্বী ক্ষত্রিয় রাজারা যজ্ঞের অশ্ব ধরিলেন বটে কিন্তু সকলকেই শেষে হার মানিয়া অশ্ব ফিরাইয়া দিতে হইল।

এইরূপে ক্রমে যজ্ঞের অশ্ব দেবপুরে প্রবল পরাক্রান্ত ক্ষত্রিয় রাজা বীরমণির রাজ্যে গিয়া উপস্থিত। রাজা বীরমণি মহাদেবের পরম ভক্ত ছিলেন। মহাদেব তাঁহার প্রতি সন্তুষ্ট হইয়া স্বয়ং রাজবাড়ীতে থাকিয়া সর্বদা রাজাকে বিপদ আপদ হইতে রক্ষা করিতেন। রাজকুমার রুহ্মাজদ অশ্বটিকে বাধিয়া রাজ বাড়ীতে লইয়া আসিলে পর সেই পত্র পড়িয়া বীরমণি জ্বলিয়া উঠিলেন—“কি! অশ্বমেধ যজ্ঞ করিয়া রামচন্দ্র সমস্ত ক্ষত্রিয় রাজাদিগকে বল করিতে চান—কেন, আমাদের কি শক্তি সামর্থ্য নাই? অশ্ব বাধিয়া রাখ, বিনা যুদ্ধে কখনই তাহা ফিরাইয়া দিবনা।” রাজার দূত গিয়া শত্রুঘ্নকে এই সংবাদ জানাইল।

দেখিতে দেখিতে দুই দলে জীবৎ যুদ্ধ বাধিয়া গেল। প্রথমে রাজকুমার রুহ্মাজদ অনেকক্ষণ পর্যন্ত পুঙ্কলের সহিত সমানে সমানে যুদ্ধ করিয়া অবশেষে পুঙ্কলের একটি সাংঘাতিক বাণের আঘাতে রথের উপর অস্তান হইয়া পড়িলেন। তখন রাজা বীরমণি ক্রোধে পুঙ্কলকে আক্রমণ করিলেন। বীরমণি শ্রবীণ বোঝা, পুঙ্কল বালক! কিন্তু বালক হইলে কি হয়, ভরতের পুত্র পুঙ্কল অসাধারণ বোঝা—আশ্চর্য্য কৌশলে বীরমণির অস্ত্র সকল নিবারণ করিয়া সে একটি জরানক বাণ মারিয়া তাঁহাকেও অস্ত্রান করিয়া ফেলিল।

তক্তের দুর্গতি দেখিয়া মহাদেব আর স্থির থাকিতে পারিলেন না। তিনি স্বয়ং যুদ্ধ ক্ষেত্রে আসিয়া তাঁহার অনুচর বীরভদ্রকে বলিলেন—, “বাও বীরভদ্র! পুঙ্কলের সহিত যুদ্ধ

করিয়া আমার ভক্তের এই অপমানের প্রতিশোধ লও।” পুঙ্কলের সহিত বীরভদ্র তখন ভীষণ সংগ্রাম আরম্ভ করিলেন। মহাবীর বীরভদ্রের সহিত ক্রমাগত পাঁচদিন ধরিয়া পুঙ্কলের যুদ্ধ হইল; বীরভদ্র তাহার কিছুই করিতে পারিলেন না। ষষ্ঠ দিনে মহাদেবের ত্রিশূলের আঘাতে তিনি পুঙ্কলের মাথা কাটিয়া ফেলিলেন। শত্রুয়ের সৈন্যদলে মহা হাহাকার পড়িয়া গেল।

শত্রুয় তখন রাগে চুখে পাগলের মত হইয়া একেবারে মহাদেবকেই আক্রমণ করিয়া বসিলেন। একদিকে সান্ধ্য রামচন্দ্রের মত তেজস্বী মহাবীর শত্রুয়, অপরদিকে মহাদেব স্বয়ং। সকলের মনে ভয় হইল বুঝি বা শ্রলয় কাল উপস্থিত! ক্রমাগত্রে এগার দিন এই যুদ্ধ হইল। দ্বাদশ দিনে শত্রুয় অতিশয় ক্রুদ্ধ হইয়া মহাদেবকে মারিবার জন্য ব্রহ্মাশির নামক অতি ভয়ঙ্কর এক অস্ত্র ছাড়িলেন। কিন্তু এই সংঘাতিক অস্ত্রটিকে মহাদেব হালিতে হালিতে গলিয়া ফেলিলেন।

এই আশ্চর্য ব্যাপার দেখিয়া শত্রুয় একেবারে অবাক। তখন কি যে করিবেন কিছুই বুঝিতে পারিলেন না। ইত্যবসরে মহাদেব আশুনের মত উজ্জ্বল এক ভীষণ অস্ত্র মারিয়া শত্রুয়কে অজ্ঞান করিয়া ফেলিলেন।

তখন পবননন্দন হনুমান রাগে আশুনে হইয়া মহাদেবের নিকটে গিয়া বলিল—“তুমি নিভাস্ত অস্ত্রায় কাজ করিয়াছ সে অস্ত্র তোমাকে আমি কিছু শাসন করিতে ইচ্ছা করি। মুনি ঋষিদের নিকট চিরকাল শুনিয়া আসিয়াছি যে শ্রদ্ধু রামচন্দ্রকে তুমিও যথেষ্ট শ্রদ্ধা ভক্তি কর। কিন্তু আজ যখন তুমি যুদ্ধ করিয়া আমার শত্রুর ভাই শত্রুয়কে অজ্ঞান করিয়াছ এবং মহাবীর পুঙ্কলকে বধ করিয়াছ তখন সে সমস্ত কথাই মিথ্যা—আজ আমি সকলের সাক্ষাতে তোমাকে বধ করিব, তুমি প্রস্তুত হও।”

মহাদেব বলিলেন,—“হনুমান! তুমি সত্য কথাই বলিয়াছ! রামকে আমি বড় দেবতা বলিয়া মানি এবং তাঁহাকে শ্রদ্ধা করি ইহাও সত্য। কিন্তু বীরমণি আমার পরম স্তম্ভ—তাঁহাকে বিপদের সময় রক্ষা না করিয়া ত পারি না।” মহাদেবের কথায় হনুমান রাগে জ্বলিয়া উঠিয়া প্রকাশ্যে একটা পাথর দিয়া মহাদেবের সারণি, অস্ত্র, রথ চুরমার করিয়া দিল। রথহীন হইয়া মহাদেব তাঁহার বাহনে চড়িবা মাত্র হনুমান একটা শালগাছ তুলিয়া লইয়া তাঁহার বুকে গুরুতর এক ঘা বসাইয়া দিল। দারুণ আঘাতে ক্ষিপ্তপ্রায় হইয়া তখন মহাদেব ভয়ঙ্কর এক শূল দিয়া হনুমানকে আঘাত করিলেন, হনুমান তাহা দুই হাতে ধরিয়া ধুপ ধুপ করিয়া ফেলিল। মহাদেব ফলস্ত

এক শক্তি মারিলেন, হনুমান সে আঘাতও অগ্রাহ্য করিয়া প্রকাণ্ড বৃক্ষ দ্বারা পুনরায় তাঁহার বৃকে নারুণ আঘাত করিল—মহাদেবের শরীরের সাপগুলি হনুমানের তালুনার ভয়ে উর্দ্ধশ্বাসে চারিদিকে পলায়ন করিল ।

ইহা দেখিয়া মহাদেব ভীষণ এক মুঘল হাতে লইয়া বলিলেন,—“তবেই বানর ! শীঘ্র পলায়ন কর নতুবা এই মুঘল দিয়া তোকে আজ বধ করিব ।” মহাক্রোধে মহাদেব মুঘল ছাড়িলেন কিন্তু হনুমান রাম নাম স্মরণ করিয়া, এগারেও কাঁকি দিল । তারপর সে এমন আশ্চর্য্য যুদ্ধ আরম্ভ করিল যে মহাদেব বড়ই কাঁপরে পড়িয়া গেলেন । হনুমান চক্ষের নিমেষে কখনো পাথর ছুঁড়িয়া মারিতেছে কখনো প্রকাণ্ড বড় গাছ লইয়া আঘাত করিতেছে আবার কখনো বা লোক দিয়া মহাদেবকে জড়াইয়া ধরিয়া টানাটানি করিতেছে—কোনটা যে তিনি ব্যর্থ করিবেন তাহা বুঝিতে না পারিয়া মহা ব্যতিক্রান্ত হইয়া পড়িলেন । অনশেষে উপায়ান্তর না দেখিয়া মহাদেব বলিলেন,—“বাছা হনুমান ! তোমার আশ্চর্য্য বীরক দেখিয়া আমি মহা সন্তুষ্ট হইয়াছি, পরম তৃপ্তি লাভ করিয়াছি । এখন তুমি যুদ্ধে কান্ত হইয়া বর প্রার্থনা কর ।” মহাদেবকে যুদ্ধে নিরস্ত করিয়া হনুমানের বড়ই হাসি পাইল । যাহা হউক তিনি যখন সন্তুষ্ট হইয়া বর দিতে ইচ্ছা করিয়াছেন তখন আর কথা কি ! হনুমান বলিল,—“প্রভু ! রবুনাথের প্রসাদে আমার অভাব কিছুই নাই, তবু আপনি যখন সন্তুষ্ট হইয়া বর দিতে চাহিয়াছেন তখন আমি এই প্রার্থনা করি যে যুদ্ধে শত্রুর মূচ্ছিত হইয়াছেন, পুঙ্কল প্রভৃতি অনেক বড় বড় বোকারা হত হইয়াছেন, আপনি অশুগ্রহ করিয়া তাঁহাদিগের শরীর রক্ষা করুন । আপনার ভৃত, প্রেতগুলি যেন উহাদিগকে খাইয়া না ফেলে ; আমি ইত্যবসরে দ্রোণপর্বত হইতে মৃত সঞ্জীবনী ঔষধ লইয়া আসি ।” মহাদেব তখন “তখাস্ত” বলিয়া মুকহল রক্ষা করিতে লাগিলেন, হনুমানও দ্রোণপর্বত আনিবার জন্ত চলিয়া গেল ।

পবননন্দন হনু পবনের স্থায় বেগে চক্ষের নিমেষে দ্রোণপর্বতে গিয়া উপস্থিত । পর্বতটিকে জড়াইয়া ধরিয়া টান দিয়া মাত্র উহা টলমল করিয়া উঠিল । পর্বত রক্ষক দেবতারা ভাবিলেন—কি সর্বনাশ ! পর্বত নড়িতেছে কেন ? তাঁহারা সন্ধান করিয়া দেখিলেন বিশাল দেহ মহা তরুণের এক বানর পর্বতকে জোর করিয়া তুলিয়া লইবার চেষ্টা করিতেছে । তখন দেবতারা সকলে মিলিয়া হনুমানকে আক্রমণ করিলেন । মহাবীর হনুর নিকট জনকপুত্র রক্ষী দেবতা আর কি, নিমেষ মধ্যে প্রায়

সকলকেই সে যমালয়ে প্রেরণ করিল। দু একজন বাঁহারা জীবিত ছিলেন, তাঁহারা পলায়ন করিয়া দেবরাজ ইন্দ্রের নিকট গিয়া সংবাদ দিলেন। ইন্দ্র অতিশয় ক্রুদ্ধ হইয়া



সমস্ত দেব সৈন্যকে ডাকিয়া বলিলেন,—“যাও, তোমরা শীঘ্র গিয়া এই বানরকে বাঁধিয়া লইয়া আইস।”

অল্প শস্ত্রে সজ্জিত হইয়া দেবসৈন্য হনুমানকে গিয়া আক্রমণ করিল, কিন্তু হনুমান তাহাদিগকেও মুহূর্ত্ত মধ্যে নিঃশেষ করিয়া ফেলিল। এই সংবাদে ভয় পাইয়া ইন্দ্র বৃহস্পতিকে ডাকিয়া জিজ্ঞাসা করিলেন—“গুরু! যে বানর দ্রোণপর্বত লইতে আসিয়াছে এবং প্রায় সমস্ত দেবসৈন্যকে যুদ্ধে বধ করিয়াছে সে কে?” বৃহস্পতি বলিলেন—“রাবণকে সবংশে বধ করিয়া যে রাম সীতাকে উদ্ধার করিয়াছেন এই বানর তাঁহারই সেবক—ইহার নাম হনুমান। রাম অশ্বমেধ যজ্ঞ করিতেছেন। শিবভক্ত রাজা বীরমণি রামের বস্ত্রাখ হরণ করিয়াছেন বলিয়া সেখানে মহা ভয়ঙ্কর যুদ্ধ হইয়াছে। সেই যুদ্ধে স্বয়ং মহাদেব শক্রয় এবং পুঙ্গল প্রভৃতি রামের অনেক বড় বড় বোকারে বধ করিয়াছেন। তাঁহাদিগকে বাঁচাইবার জন্য মহাবীর হনুমান দ্রোণপর্বত লইতে আসিয়াছে। দেবরাজ! তুমি শত সহস্র বৎসর যুদ্ধ করিলেও হনুমানকে পরাজয় করিতে পারিবে না, অতএব শীঘ্র গিয়া তাহাকে সম্বন্ধ কর।”

বৃহস্পতির কথায় ইন্দ্র মহা ভাবনায় পড়িয়া গেলেন । হনুমানকে সন্তুষ্ট করিতেই হইবে, কিন্তু দ্রোণপর্বত যদি লইয়া যায় তাহা হইলে দেবতাদের মৃত্যু হইলে তাঁহারা পুনরায় জীবন পাইবেন কি করিয়া ? নিরুপায় হইয়া ইন্দ্র বৃহস্পতিকেই পরামর্শ জিজ্ঞাসা করিলেন । বৃহস্পতি ইন্দ্রের সহিত সমস্ত দেবতাদিগকে লইয়া হনুমানের নিকটে গিয়া উপস্থিত হইলেন । সকলে মিলিয়া অনেক স্তুতি মিনতি করিলে পর হনুমান সন্তুষ্ট হইয়া বলিল,—“বীরমণির সহিত যুদ্ধে মহাদেবের হাতে আমাদের বড় বড় ঘোড়ারা অনেক মারা গিয়াছেন । তাঁহাদিগকে বাঁচাইবার জন্য আমি দ্রোণ পর্বত লইয়া বাইতে আসিয়াছি । হয় আমাকে সেই বৃত্তসঙ্ঘীবনী ঔষধ দাও আর না হয় আমি দ্রোণ পর্বত মাথায় করিয়া লইয়া বাইব । ইহা শুনিয়া দেবতারা সঙ্ঘীবনী ঔষধ দিয়া হনুমানকে বিদায় করিলেন ।

সঙ্ঘীবনী ঔষধ লইয়া যুদ্ধক্ষেত্রে কিরিয়া আসিয়া হনুমান সকলকেই বাঁচাইয়া দিল ।


শ্রীকুলদ্বারকন রায় ।

কাঁকড়া-বিছে ।

তাই সংস্পর্শ,

তোমরা কলকাতায় থাক, বেশ সুখে আছে । আমি থাকি পাড়ারগায়ে তাতে পাছাড় পর্বতের মধ্যে । চারিদিকে বন জঙ্গল, রাত্রিতে বাড়ীর আশে পাশে বাঘ ভালুক ঘোরে । আমার বাড়ীর চারিদিকে দেয়াল দিয়ে ঘেরা, পাঁচিল ডিক্রিয়ে বাঘ ভালুক আসে না, আর মরজা বন্ধ করে ঘরের মধ্যে থাকলে কোন ভয় থাকেনা । তাই, ঘরের মধ্যেও নিস্তার নাই । মেঝেতে ব্যাং ধপু ধপু করে যাচ্ছে, বাস্তের কোণে সাপ ঢুকছে, ঘরের চাল থেকে রান্নুসে মাকড়সা লাঙ্কিয়ে পড়ছে, আলনার জামার ভিতরে, বিছানায় বালিসের তলে, তেঁতুলে বিছে, বইএর আলুমারিতে আর জুতোর মধ্যে কাঁকড়াবিছে, কখন যে কোনটা কামড়াবে এই ভয়ে সর্বদা সতর্ক থাকতে হয় । ফস্করে জুতোর মধ্যে পা গলিয়ে দেবে, আর জামার মধ্যে হাত ঢুকিয়ে দেবে, আর ঝট করে বিছানায় চিৎ হয়ে পড়বে, সে বোঁটি নাই । এ ছাড়া পোকায় উৎপাত কত । উই পাখা ধরে পালে পালে ঘরের কোণ থেকে বেরুচ্ছে, বড় বড় সিংওয়াল গুবরে পোকা ভেঁী করে উড়ে এসে ঠকাসু করে পড়েছে । গান্ধি পোকা, ছোট গুবরে, গলাকড়িং, ডাল ফড়িং, পাতা কড়িং কত রং বেরংএর পোকা এসে ছালাতন করে ।

কাল সন্ধ্যাবেলা বেড়াতে যাবো বলে চাকরটাকে বুট জুতো বোড়া আনতে বললাম । পাঁচ সাত দিন এ জুতো পরি নাই, ঘরের এক কোণেই রাখা ছিল । চাকরটা জুতো বোড়া বারান্দায় এনে, পোকা টোকা আছে কিনা দেখবার জন্য তাকে উল্টিয়ে মাটীতে ঠুকলে । যেই ঠোকা অমনি প্রকাশ এক কাঁকড়াবিচে—বাকে বলে বৃশ্চিক ! না খেড়ে যদি ভাড়াভাড়ি জুতোর মধ্যে পা ঢুকিয়ে দিতাম তা'হলে আমার কি দশাই না হত ! বিচের কামড়ের যে কি যাতনা, যে সে কামড় খেয়েছে সেই জানে ! তবে নাকি এরা মুখ দিয়ে কামড়ায় না, হলু ফুটিয়ে দেয় । তাইতে সতর্কতা হয় ।



এ বিছটা মস্ত বড়, রং কাল, গায়ে অন্ন অন্ন রোম আছে । কাঁকড়ার দাঁড়ার মত বড় বড় এক বোড়া দাঁড়া আছে । জুতো থেকে বেরিয়েই, মেজটা পিঠের উপর উঁচু করে অন্ধকার কোণের দিকে ছুট । চাকর জানে তার বাবু ওটিকে নেড়ে চেড়ে না দেখে ছাড়বেন না । তাই সে দৌড়িয়ে গিয়ে রান্নাঘর থেকে লোহার বড় চিমটে খানা এনে আমার হাতে দিলে । ওর কাছেও বেতে তার সাহস হল না । আমি চিমটেটা হাতে করে তার কাছে গেলাম । সেটা মেয়ালের কোণেই দাঁড়িয়ে ছিল । যেই চিমটে দিয়ে তাকে ধরাম অমনি কঁস কঁস শব্দ করতে লাগল, আর সাঁড়াসির মত দাঁড়া দিয়ে চিমটেটাকে

চেপে ধরে আর তার লেজ ছুঁতে চিমটের গায়ে ছল কোটাতে ঢেঁকা কস্তে লাগল। আমি তাকে তুলে নিয়ে সেই বড় কাঁচের বোতলের মধ্যে পুরে ফেললাম।

এটা খুব মস্ত বিছা। এত বড় বিছা সচরাচর দেখা যায় না। আমি আরো অনেক বিছা মেরেছি। কোনটা লালচে মেটে, কোনটা ধূসর, কোনটা কাল, কিছু সে সবগুলিই এর চাইতে ছোট। এ দেশে ভিন্ন ভিন্ন জাতের ছোট বড় নানা রকমের কাঁকড়া-বিছে আছে। যে জাতের বিছে মেরেছি সেগুলি সব চাইতে বড় হয়।

মাকড়সার মত এরও মাথা ও বুক মিশে এক হয়েছে। পেটটাতে অনেক ভাগ আছে, পেটের শেষের পাঁচটা ভাগ লম্বা ও সরু হয়ে লেজের মত হয়েছে, আর তার আগায় চিব্বলের মত একভাগ আছে, সেইটের আগায় বিভ্রালের নখের মত বাঁকা শক্ত ও ছুঁছল ছল আছে। এই চিব্বলেটার বিবের থলি আছে, আর ঐ হুলের মধ্যে সরু চিত্র আছে। ছল ফুটিয়ে দিলে সেই ছিত্র পাখে বিষ বেরিয়ে গায়ে ঢোকে আর তাতেই যক্ষণা হয়। মাকড়সার পেট দেখতে একটা খণ্ড, তাতে ভাগ নাই—এদের পেট অনেক ভাগে বিভক্ত, সে ভাগগুলো বেশ স্পর্শক দেখা যায়। লেজটাও ঠর পেটেরই অংশ।

কাঁকড়া-বিছে মাকড়সার জাতি। এর চার ঘোড়া পা আছে, তা' দিয়ে হাঁটে। সামনের স্পর্শনি ঘোড়া খুব বড় ও মোটা আর তা দেখতে কাঁকড়ার দাঁড়ার মত। প্রত্যেকটার আগায় সাঁড়াশির মত দুটা শক্ত আঙ্গুল বা নখ আছে, নখের স্তিতর পাশ খাঁজকাটা বা দাঁতযুক্ত। এ দিয়ে শিকার চেপে ধরে, আর তার গায়ে লেজের বাড়ি মেরে ছল ফুটিয়ে বিষ ঢেলে দেয়। সেই বিষে শিকারটা নিস্তেজ হয়ে পড়ে বা মরে যায়। মুখের সামনে এক ঘোড়া ছোট্ট সাঁড়াশির মত আছে। তা দিয়ে খাবার ধ'রে খণ্ড খণ্ড করে আর মুখে পোরে। এরই নীচে ঠর ঠোঁট আর মুখের চিত্র।


এই দাঁড়ায় আর প্রথম পায়ের গোড়ার দিকে বুকের পাশে কাঁটার মত শক্ত শক্ত লোমের গোছা আছে। বিছা যখন রাগে তখন দাঁড়া ঘোড়া নড়তে থাকে, তাতে সেই কাঁটাগুলোতে ঘষা লেগে কস্ কস্ শব্দ হয়। তোমাদের দাঁত-মাজা শক্ত বুরুষের গায়ে আঙ্গুল টেনে দেখ কেমন শব্দ হয়। এই শব্দও অনেকটা ঐ রকম। এরা কস দেখাবার জন্ত ঐ রকম শব্দ করে। মতর্ক করে দেয়, যেন বলে, বাপু হে এই বেলা পলাও, কাছে এসো না, এলেই ছল ফুটিয়ে দেব।

কাঁকড়া-বিছে যখন হাঁটে তখন লেজটাকে তুলে পিঠের উপর বাঁকিয়ে রেখে চলে। শিকার মারতে হলে তার দিকে হঠাৎ পিছন ফিরে লেজটাকে ঝটকরে দোকা করে

তার মায়ে ছুঁড়ে মারে আর অবনি লোহের আঁপায় সেই ঝাঁক-ঝাঁকি ছলটা তার মায়ে
বিঁধে যায় আর বিষ বেরিয়ে শরীরের মধ্যে ঢুকে যায়।

এর বিষের ভারি তেজ। মানুষের গায়ে এ বিষ ঢুকলে মানুষ মরে না বটে, কিন্তু
এত খালা হয় যে চট্‌কট্‌ কস্তে হয়, আর সে যন্ত্রণা অনেকরূপ থাকে। কখন কখন
ছুঁতিন দিন পর্যন্ত থাকে। সময়ে সময়ে হর হর, গা বমি বমি করে, মাথা ঘুরায়,
খেতে ইচ্ছে থাকে না। যন্ত্রণা করে গেলেও তিন চার দিন পর্যন্ত শরীর জসুহ
থাকে। ছোট ছেলেকে খুব বড় বিছার কান্ডালে, সে মারা পড়তেও পারে। এরা
মানুষকে খাবে বলে ছল্‌ ফুটোর না। স্বভাবতঃ এরা ভীক, মানুষ দেখলে পালায়। তবে
খুব ভয় পেলে আর পালাবার সুবিধা না পেলে আত্মরক্ষা করতে গিয়ে ছল ফুটিয়ে দেয়।

এরা শাহাড় ও বাসীময় শুক প্রদেশেই বেশী থাকে। খোড়ো ঘরের চালে,
দেয়ালের কাটলে, পাহাড়ের পাথরের কাঁকে ইট, পাথর, কাঠের তলায় বাস করে।
কোন কোন জাত মাটিতে গর্ত খুঁড়েও তাতে থাকে। এরা দিনের বেলায় ঐ সব বায়শায়
লুকিয়ে থাকে। রাত্তিতে শিকারের খোঁজে বাহির হয়। দিন হলেই, কোথা খুঁচিতে
বেখানে অন্ধকার পায় সেইখানেই ঢুকে লুকিয়ে থাকে।




কাঁকড়া-বিছে সাধারণতঃ কীট পতঙ্গ, ও
মাকড়সা ধরে খায়। বড় জাতের বিছে ছোট
ছোট টিক্‌টিকি, নেংটে ইন্দুর, পাখীর ছোট
ছোট বাচ্চাও ধরে খায়। ছোট বে কোন
প্রাণিকে ধরে আয়ত্ত করতে পারে তাকেই
খায়। এরা একলা একলা থাকতেই ভাল-
বাসে। একটা অপরিটাকে দেখলে, দুজনে
খুব যুদ্ধ বেধে যায়। বেটা জিতে যায় সেটা
অপরিটাকে খেয়ে ফেলে।

মাকড়সার মত এরা ভিম পাড়ে না। ভিম
মার পেটের ভিতরেই কোটে, আর জিয়ন্ত সূনে
সূনে বাচ্চা পেট থেকেই বেরোয়। এক এক
বারে অনেকগুলি এমন কীট-পতঙ্গ বাচ্চা

একটা বিছে আরকটাকে আর খেয়ে ফেলেছে
জন্মে। ছোট ছোট বাচ্চার মার পেট থেকে বেরিয়েই মায়ের গায়ে পিঠে চড়ে বসে আর

খাঁকড়ে ধরে থাকে । মাসখানেক এই রকম অবস্থায় থাকে । প্রথম খোলস বদলানোর পর বাচ্চারা নিজে নিজে খাবার ধরে খায় । বড় না হওয়া পর্যন্ত মা বাচ্চাদের জারি



বন্ধ করে । আবার সময়ে সময়ে নিজের বাচ্চাদের ধরে ধরে খেয়েও ফেলে ।

কাঁকড়া আর মাকড়সার মত বিছাও মাঝে মাঝে খোলস বদলায় । দৈবাৎ কোন রকমে একটা পা ছিঁড়ে বা খসে গেলে পরের বারে খোলস বদলাবার সময়ে নূতন পা গজায় । কাঁকড়া আর মাকড়সাদের নূতন পা গজাবার ক্ষমতা আছে ।

পৃথিবীতে অনেক জাতের কাঁকড়া-বিছে আছে । প্রায় সব গরম দেশেই বিছা দেখতে পাওয়া যায় কেবল টাস্‌মেনিয়া দ্বীপে নাই । অল্প গরমের দেশে, যেমন ইউরোপের দক্ষিণ অংশে, কেবল ছোট রকমের বিছাই দেখা যায় । তারা ২।৩ ইঞ্চির বেশী লম্বা না । আর বড় জাতের রাক্সুসে বিছে কেবল ভারতবর্ষে আর আফ্রিকায় দেখা যায় । এই সব বিছা ৭।৮ ইঞ্চ লম্বা হয় । আমি যেটা ধরেছি সেটা সাত ইঞ্চ লম্বা ।

ছবিতে বেশ বিছার কেমন দাঁড়া, কেমন লেজ আর হুল, আর দেখ একটা বিছে কেমন আর একটাকে খাচ্ছে, সবটা খেয়েছে কেবল লেজের আগটা বেরিয়ে আছে । আরও দেখ মা—রাক্সুসীটা জাঁর ছানাদের ধরে ধরে খাচ্ছে, দুই দাঁড়ায় দু'টো ধরেছে, আর মুখে একটা পুরেছে । কেমন তারা এ সব অদ্ভুত কি না ?

তোমার মেন্দ হাদামশায় ।



হিপ্পটেমাসের হাঁ।

এক গ্রাসে এ বড় খাবার মুখে পুড়তে পারে, পাঁচদিনেও তুমি তা সাঁঝ করতে পারবে না।
তুমি ছাড়া আর কোন বস্তুই এত বড় হাঁ করতে পারে না।

রাজার বন্ধু ।

প্রায় তিনশ বছর পূর্বের কথা বলছি, তখন ইংলণ্ডের রাজা ছিলেন প্রথম চার্লস্ । এই চার্লসের অন্ত্যায় শাসনে ইংলণ্ডের লোকেরা বিদ্রোহী হ'য়ে ওঠে । তার ফলে অনেক যুদ্ধ এবং রক্তপাতের পর রাজা প্রথম চার্লসের প্রাণদণ্ড হয় এবং ওলিভার ক্রমওয়েল্‌ দেশের শাসন কর্তা নিযুক্ত হন । প্রথম চার্লসের বন্ধু বান্ধব তাঁরা তাঁর হয়ে অনেক যুদ্ধ করেছিলেন তাঁরা কিন্তু ওলিভারের শাসন পছন্দ করলেন না । তাঁদের ইচ্ছা রাজকুমার চার্লস্‌ই ইংলণ্ডের রাজা হয়ে রাজ্য শাসন করেন । এই উপলক্ষে রাজকুমারের মলের সঙ্গে ক্রমওয়েলের ঘোরতর যুদ্ধ বাধে কিন্তু পদে পদে পরাস্ত হয়ে অবশেষে যুবরাজ চার্লস্‌কে ফ্রান্সে পলায়ন করতে হয়েছিল ।

যুবরাজের পলায়নের পর তাঁর যে সব বন্ধু বান্ধব ইংলণ্ডে রইলেন তাঁদের মহা বিপদ উপস্থিত হ'ল । ক্রমওয়েলের হাতে ধরা পড়লে রক্ষা নাই, স্তম্ভভাং গোপনে লুকিয়ে থাক । ভিন্ন তখন তাঁদের আর উপায় ছিলনা । এই যে ছোট গল্পটি তোমাদের আজ বলছি এটি পড়লেই তোমরা বুঝতে পারবে যে যুবরাজের বন্ধুরা তখন কিরূপ বিপদে পড়েছিলেন ।

যুবরাজের বন্ধুদের মধ্যে একজন ছিলেন সার রাল্ফ্ পেলেহাম্ । সাহসী বীর সার রাল্ফ্ রাজার পক্ষে অনেক যুদ্ধ করে শেষে তাঁর মৃত্যুর পর যুবরাজের পক্ষে যোগ দিয়েছিলেন । কিন্তু যুবরাজের পলায়নের পর তাঁর আর কোনও উদ্দেশ্য পাওয়া যায়নি । তিনি বেঁচে রইলেন কি যুদ্ধে মারা গেলেন সে সংবাদও কেউ বলতে পারল না । পেলেহাম বংশ খুব সম্ভ্রান্ত ধনীবংশ তাঁদের থাকবার প্রকাণ্ড বাড়ী ছিল, তার নাম 'কেমুর হল' । সার রাল্ফের দুটি সন্তান, বড়টি চেলে—তার নাম চার্লস্, ছোটটি মেয়ে—কিটি । তাছাড়া সার রাল্ফের স্ত্রী আছেন—আর্ট্‌বেলি । সার রাল্ফ্ নিরুদ্দেশ হবার কিছুকাল পরে একদিন শীতের রাত্রিতে তাঁর স্ত্রী লেডি রাল্ফ্ "কেমুর হলে" একটি ঘরে বসেছিলেন । তখন অনেক রাত হয়েছে চার্লস্ আর কিটি দুজনে গিয়েছে সঙ্গে সঙ্গে আর্ট্‌বেলিও গেছেন । লেডি রাল্ফ্ একলা চুপটি ক'রে আগুনের পাশে বসে স্বামীর কথা ভাবছেন । এমন সময় হঠাৎ বাইরের দরজার খুব জোরে ঠক ঠকানির শব্দ শুনে তিনি চমকে উঠলেন । শব্দের সঙ্গে সঙ্গে বাড়ীর যুদ্ধ চাকরটি ব্যস্ত সমস্ত হয়ে ঘরে এসে উপস্থিত—উৎসাহে তার মুখ চোখ উজ্জ্বল হ'য়ে

উঠেছে। আর তুকেই সে হাঁশাতে হাঁশাতে বল—“মা ঠাকুরণ! বড় সুখের সংবাদ এনেছি। তার কথা শেষ হতে না হতেই লম্বা চেহারা একটি পুরুষ তাকে ঠেলে সরিয়ে একেবারে লেডি রাল্ফের সন্মুখে এসে উপস্থিত। লোকটিকে দেখেই “রাল্ফ!” বলে এক চীৎকার দিয়েই লেডি রাল্ফ তার দিকে ছুটে গেলেন। ততক্ষণে আন্ট বেসিও ঘরে এসে উপস্থিত। এতদিন পরে তাঁকে দেখে তাঁর চোখ দিয়ে দরদর করে জল পড়তে লাগল। তিনি ভাড়াভাড়ি ছেলেদের ডেকে আনলেন। তখন সকলের আনন্দ আর ধরে না।

রাজকুমারের পক্ষে বুদ্ধ করতে খিয়ে সার রাল্ফ গুরুতর আঘাত পান। তারপর এতদিন বনের মধ্যে এক গরীব লোকের বাড়ীতে লুকিয়ে থেকে সেই লোকটির যত্নে আরাম হয়েছেন। তখনও তাঁর বিপদ যায়নি, ক্রমণ্ডয়েলের লোকেরা তখনও তাঁর সন্ধান করে বেড়াচ্ছে। তাঁর বাড়ীতেও হরত বা তারা এসে উপস্থিত হতে পারে।

তিনি ঘর থেকে বেরুতে বাবেন এমন সময় মহা ব্যস্তসমস্ত হয়ে একজন সৈনিক ঘরে তুকে বল—“সার রাল্ফ! এই বেলা পালান, এক মুহূর্তও দেরি করবেন না। ক্রমণ্ডয়েলের লোক আপনার পিছু নিয়েছে—ঐ শুশুন তারা এসে পড়ল, ঘোড়ার পায়ের শব্দ শোনা যাচ্ছে। সর্বনাশ! আর উপায় নাই—বাড়ী ছিরে কেলেচে।” সার রাল্ফ মহাব্যস্ত হয়ে বললেন “বেসি! আর উপায় নাই, সেই চোরাই পথে এখন লুকিয়ে থাকি গিয়ে।” সেকালের বড়লোকদের প্রত্যেকের বাড়ীতেই বিপদের সময় লুকাবার জায় একটা ঘরে গুপ্ত পথ রাখা হতো। আন্ট বেসি ভাড়াভাড়ি সার রাল্ফকে তাঁর বাড়ীর সেই চোরা পথে লুকিয়ে কেললেন। দেখতে দেখতে ক্রমণ্ডয়েলের সশস্ত্র সৈনিকদল বাড়ীতে এসে উপস্থিত। তারা চারদিক খুঁজে এঘর, ওঘর, একোণ সেকোণ, রান্ধা, বাগান কিছুই বাকি রাখল না। তবে সকলের গা কাঁপতে লাগল—বদি সার রাল্ফ ধরা পড়ে যান।

প্রায় রাত্রি বারটা পর্যন্ত খুঁজে খুঁজে যখন সার রাল্ফকে পাওয়া গেল না, তখন তাদের দলপতি লেডি রাল্ফকে বললেন—“বিরোধী যে এ বাড়ীতেই লুকিয়ে আছে তাতে আমাদের কোন সন্দেহ নাই। বা হোক, আজ রাতটা আমার লোকজন বাড়ী সাহারা দিবে কাল সকালে আমরা আবার সন্ধান করব।”

এদিকে সার রাল্ফ মতলব করছেন এখন কি করা যায়। প্রায় বন্টা খানেক পর গুপ্ত পথের দরজা আস্তে আস্তে একটু খুলে গেল এবং আন্ট বেসি এসে তাঁর কাণে

বললেন—“একটিও কথা বলোনা, বাড়ীর চারদিকে পাহারা বসেছে—কাল আর তোমার পালাবার উপায় থাকবে না, তোমাকে এখনি পালাতে হবে।”

পালাবার আগে ছেলেমেয়েদের এবং স্ত্রীকে শেষ দেখা একবার না দেখে সার রালফ্‌ কিছুতেই যেতে রাজি হলেন না। আর্ট্‌ বেসি তাতে অনেক আপত্তি করলেন বটে কিন্তু কিছুতেই তিনি যখন মানলেন না তখন চোরের মত হামাগুড়ি দিয়ে অন্ধকারে ছুজনে ছেলেদের ঘরে গেলেন। সেখানে তখন লেডি রালফ্‌ও ছিলেন। আর্ট্‌ বেসি বললেন—“কিটি! চার্লস্‌! তোমরা চূপটি করে থাক কান্না কাটি করো না। বাবা বাড়ী এসেছেন বটে কিন্তু এখনি আবার তাঁকে চলে যেতে হবে।”

দৃঢ়চিত্ত সার রালফেরও তখন চোখ দিয়ে জল পড়তে লাগল, তিনি ছেলে মেয়েকে বুকে জড়িয়ে ধরলেন। কিটি তাঁর গলায় ধরে কত মিনতি করে বল—“বাবা! তুমি আমাদের ছেড়ে চলে যেওনা।” কিন্তু সার রালফ্‌ কি না গিয়ে পারেন। তিনি মেয়েকে বলেন,—“আমাকে যেতেই হবে মা। এখানে থাকলে আমার অনিষ্ট হবে। লক্ষ্মী মেয়ে হয়ে থাক, আমি যতদিন কিরে না আসি মাকে স্ত্রী করতে চেষ্টা করো।”

চার্লস্‌ ততক্ষণে সমস্ত ব্যাপার বুঝতে পেরেছে। সে জিজ্ঞাসা করল—“বাবা! ওরা কি তোমাকে ধরে নেবে বলে এখানে এসেছে?”

সার রালফ্‌ বলেন—“হাঁ বাবা, তুমি ঠিকই বলেছ। বাহোকে এখন ও ব কথা তুমি বুঝতে পারবে না। ষাবার সময় একটি কথা তোমাকে বলে যাচ্ছি—বিশেষ কত্তে সর্ববিদ্যা মনে রেখো যে তুমি সম্রাট বংশের এরং ভ্রূ-ঘরের ছেলে আর তোমার বাবা শেষ পর্যন্ত রাজার খুব বন্ধু ছিলেন। সকল অবস্থায় এই কথাই স্মরণ করো—পেলহাম্‌ পরিবারের সকলে ধার্মিক এবং রাজভক্ত। আমি যদি আর কখন কিরে না আসি, আমার কথাগুলি তুলে ধেও না—চিরজীবন সাহনী, সভাবাদী থেকে রাজার সেবায় প্রাণ দেবে। তরু কি! আমি দিব্য চক্ষে দেখতে পাচ্ছি যুবরাজ চার্লস্‌ শীঘ্রই ইংলণ্ডের রাজা হবেন।”

সার রালফ্‌ সকলের কাছে শেষ বিদায় নিয়ে আবার গুপ্তপথে কিরে চলেন। সে পথ দিয়ে গভীর বনে যাওয়া যায়। একবার সে বনে প্রবেশ করতে পারলে আর জাবনা কি? জন্মগুণের সৈন্তেরা তাঁর কিছুই করতে পারবে না।

সে রাত্রি আর্ট্‌ বেসি আর লেডি রালফ্‌ আর ঘুমাতে পারলেন না। ঘণ্টার পর ঘণ্টা গেল, ক্রমে রাত্রি প্রভাত হলো; তখন তাঁরাও এই ভেবে, মনকে সান্ত্বনা দিলেন যে সার রালফ্‌ নিরাপদে বনের মধ্যে গিয়ে পৌঁছুতে পেরেছেন।